

羅王。仍令戶部郎中蓋塤持節冊命。其年良相卒。立上相敬信爲王。令襲其官爵。敬信卽從兄弟也。十四年。敬信卒。其子先敬信亡。國人立敬信嫡孫俊邕爲王。十六年。授俊邕開府儀同三司。檢校太尉。新羅王。令司封郎中兼御史中丞韋丹持節冊命。丹至鄆州。聞俊邕卒。其子重興。無詔丹還。永貞元年。詔遣兵部郎中元季方持節冊重興爲王。元和元年十一月。放宿衛王子金獻忠歸本國。仍加試祕書監。三年。遣使金力奇來朝。其年七月。力奇上言。貞元十六年奉詔冊臣故主金俊邕爲新羅王。母申氏爲太妃。妻叔氏爲王妃。冊使韋丹至中路。知俊邕薨。其冊却廻在中書省。今臣還國。伏請授臣以歸。勅金俊邕等冊。宜令鴻臚寺於中書省受領。至寺宣授與金力奇。令奉歸國。仍賜其叔彥昇門戟。令本國準例給。四年。遣使金陸珍等來朝貢。五年。王子金憲章來朝貢。七年。重興卒。立其相金彥昇爲王。遣使金昌南等來告哀。其年七月。授彥昇開府儀同三司。檢校太尉持節大都督。鷄林州諸軍事。兼持節充寧海軍使。上柱國。新羅國王。彥昇妻貞氏冊爲妃。仍賜其宰相金崇斌等三人戟。亦令本國準例給。兼命職方員外郎攝御史中丞崔廷持節弔祭冊立。以其質子金士信副之。十一年

○興下、册府有立字

○叔、御覽所引作朴

十一月。其入朝王子金士信等遇惡風。飄至楚州鹽城縣界。淮南節度使李鄴以聞。是歲。新羅飢。其衆一百七十人求食於浙東。十五年十一月。遣使朝貢。長慶二年十二月。遣使金柱弼朝貢。寶曆元年。其王子金昕來朝。大和元年四月。皆遣使朝貢。五年。金彥昇卒。以嗣子金景徽爲開府儀同三司。檢校太尉。使持節大都督。鷄林州諸軍事。兼持節充寧海軍使。新羅王。景徽母朴氏爲太妃。妻朴氏爲妃。命太子左諭德兼御史中丞源寂持節弔祭冊立。開成元年。王子金義琮來謝恩。兼宿衛。二年四月。放還藩。賜物遣之。五年四月。鴻臚寺新羅國告哀。質子及年滿合歸國學生等共一百五人竝放還。會昌元年七月。勅歸國新羅官。前入新羅宣慰副使。前充兗州都督府司馬。賜緋魚袋。金雲卿。可淄州長史。

倭國

倭國者。古倭奴國也。去京師一萬四千里。在新羅東南大海中。依山島而居。東西五月行。南北三月行。世與中國通。其國居無城郭。以木爲柵。以草爲屋。四面小島五十餘國皆附屬焉。其王姓阿每氏。置一大率。檢察諸國。皆畏附之。設官有十二等。其訴訟者。匍匐而前地。多女少男。頗有文字。俗敬佛法。竝皆跣足。以

○表仁、唐書作仁表

幅布蔽其前後。貴人戴錦帽。百姓皆椎髻無冠帶。婦人衣純色裙長腰襦。束髮於後。佩銀花長八寸。左右各數枝。以明貴賤等級。衣服之制。頗類新羅。貞觀五年。遣使獻方物。太宗矜其道遠。勅所司無令歲貢。又遣新州刺史高表仁。持節往撫之。表仁無綏遠之才。與王子爭禮。不宣朝命而還。至二十二年。又附新羅奉表。以通起居。

日本國

日本國者。倭國之別種也。以其國在日邊。故以日本爲名。或曰。倭國自惡其名不雅。改爲日本。或云。日本舊小國。併倭國之地。其人入朝者。多自矜大。不以實對。故中國疑焉。又云。其國界東西南北各數千里。西界南界咸至大海。東界北界有大山爲限。山外卽毛人之國。長安三年。其大臣朝臣真人來貢方物。朝臣真人者。猶中國戶部尙書冠進德冠。其頂爲花分而四散。身服紫袍。以帛爲腰帶。真人好讀經史。解屬文。容止溫雅。則天宴之於麟德殿。授司膳卿。放還本國。開元初。又遣使來朝。因請儒士授經。詔四門助教趙玄默。就鴻臚寺教之。乃遣玄默潤幅布。以爲束修之禮。題云。白龜元年調布。人亦疑其僞。所得錫賚。盡市文籍。泛海而還。其偏使朝臣仲滿。慕中國之風。因留不去。改姓名爲朝衡。仕歷

○橘免勢、恐稱逸勢之誤

左補闕。儀王友。衡留京師五十年。好書籍。放歸鄉。逗留不去。天寶十二年。又遣使貢。上元中。擢衡爲左散騎常侍。鎮南都護。貞元二十年。遣使來朝。留學生橘免勢。學問僧空海。元和元年。日本國使判官高階真人上言。前件學生藝業稍成。願歸本國。便請與臣同歸。從之。開成四年。又遣使朝貢。

〔舊唐書〕

卷一百九十九下列
傳第一百四十九

北狄 契丹 靺鞨 靺鞨

契丹
○崎、恐時之誤

契丹居黃水之南。黃龍之北。鮮卑之故地。在京城東北五千三百里。東與高麗鄰。西與奚國接。南至營州。北至室韋。冷陁山在其國。南與奚西山相崎。地方二千里。逐獵往來。居無常處。其君長姓大賀氏。勝兵四萬三千人。分爲八部。若有微發。諸部皆須議合。不得獨舉。獵則別部。戰則同行。本臣突厥。好與奚鬪。不利。則遁保青山及鮮卑山。其俗死者不得作塚墓。以馬駕車送入大山。置之樹上。亦無服紀。子孫死。父母晨夕哭之。父母死。子孫不哭。其餘風俗與突厥同。武德初。數抄邊境。二年。入寇平州。六年。其君長咄羅遣使貢名馬豐貂。貞觀二年。其

君摩會率其部落來降。突厥頡利遣使請以梁師都易契丹。太宗謂曰：契丹突厥本是別類。今來降我，何故索之？師都本中國人，據我州城以爲盜竊，突厥無故容納之。我師往討，便來救援，計不久自當擒滅。縱其不得，終不以契丹易之。太宗伐高麗至營州，會其君長及老人等，賜物各有差。授其蕃長窟哥爲左武衛將軍。二十二年，窟哥等部咸請內屬，乃置松漠都督府，以窟哥爲左領軍將軍，兼松漠都督府無極縣男，賜姓李氏。顯慶初，又拜窟哥爲左監門大將軍，其曾孫祐莫離。則天時歷左衛將軍兼檢校彈汗州刺史歸順郡王。又契丹有別部，酋帥孫敖曹，初仕隋爲金紫光祿大夫。武德四年，與靺鞨酋長突地稽俱遣使內附，詔令於營州城傍安置，授雲麾將軍行遼州總管。至曾孫萬榮，垂拱初，累授石玉鈐衛將軍歸誠州刺史，封永樂縣公。萬歲通天中，萬榮與其妹婿松漠都督李盡忠俱爲營州都督趙勣所侵侮，二人遂舉兵殺勣。據榮州作亂，盡忠卽窟哥之胤，歷位右武衛大將軍兼松漠都督。則天怒其叛亂，下詔改萬榮名爲萬斬，盡忠爲盡滅。盡忠尋自稱無上可汗，以萬斬爲大將，前鋒略地，所向皆下。旬日兵至數萬，進逼檀州，詔令右金吾大將軍張玄遇、左鷹揚衛將軍曹

○趙下，通典有文字

仁師、司農少卿麻仁節率兵討之。與萬斬戰于西碭石谷，官軍敗績。玄遇、仁節竝爲賊所虜。又令夏官尚書王孝傑、左羽林將軍蘇宏暉領兵七萬以繼之。與萬斬戰于東碭石谷，孝傑左陣陷沒。宏暉棄甲而遁。萬斬乘勝率其衆入幽州，殺略人吏，清邊道大總管建安郡王武攸宜遣裨將討之，不能尅。又詔左金吾大將軍河內王武懿宗爲大總管，御史大夫婁師德爲副，大總管右武衛將軍沙吒忠義爲前軍總管，率兵三十萬以討之。俄而李盡滅死，萬斬代領其衆。萬斬又遣別帥駱務整、何阿小爲遊軍，前鋒攻陷冀州，殺刺史陸寶積，屠官吏子女數千人。俄而奚及突厥之衆掩擊其後，掠其幼弱。萬斬棄其衆，以輕騎數千人東走。前軍副總管張九節率數百騎設伏以邀之。萬斬窮蹙，乃將其家奴輕騎宵遁。至潞河東，解鞍憩於林下，其奴斬之。張九節傳其首于東都。自是其餘衆遂降突厥。開元三年，其首領李失活以默啜政衰，率種落內附。失活卽盡忠之從父弟也。於是復置松漠都督府，封失活爲松漠郡王，拜左金吾衛大將軍兼松漠都督。其所統八部，各因舊帥拜爲刺史。又以將軍薛泰督軍以鎮撫之。明年，失活入朝，封宗室外甥女楊氏爲永樂公主，以妻之。六年，失活死，上爲

之舉哀。贈特進。失活。從父弟娑固代統其衆。遣使冊立。仍令襲其兄官爵。娑固大臣可突于。驍勇頗得衆心。娑固謀欲除之。可突于反攻娑固。娑固奔營州。都督許欽澹。令薛泰帥驍勇五百人。又徵奚王李大輔者及娑固合衆。以討可突于。官軍不利。娑固大輔臨陣皆爲可突于所殺。生拘薛泰。營府震恐。許欽澹移軍西入渝關。可突于立娑固從父弟鬱于爲主。俄又遣使請罪。上乃令冊立鬱于。令襲娑固官爵。仍赦可突于之罪。十年。鬱于入朝請婚。上又封從妹夫率更令慕容嘉賓女爲燕郡公主。以妻之。仍封鬱于爲松漠郡王。授左金吾衛員外大將軍兼靜析軍經略大使。賜物千段。鬱于還蕃。可突于來朝。拜左羽林將軍。從幸并州。明年。鬱于病死。弟吐于代統其衆。襲兄官爵。復以燕郡公主爲妻。吐于與可突于復相猜阻。十三年。携公主來奔。便不敢還。改封遼陽郡王。因留宿衛。可突于立李盡忠弟邵固爲主。其冬。車駕東巡。邵固詣行在所。因從至岳下。拜左羽林軍員外大將軍。靜析軍經略大使。改封廣化郡王。又封皇從外甥女陳氏爲東華公主。以妻之。邵固還蕃。又遣可突于入朝貢方物。中書侍郎李元紘不禮焉。可突于怏怏而去。左丞相張說謂人曰。兩蕃必叛。可突于人面獸心。

唯利是視。執其國政。人心附之。若不優禮縻之。必不來矣。十八年。可突于殺邵固。率部落并脅奚衆。降于突厥。東華公主走投平盧軍。於是詔中書舍人裴寬。給事中薛偏等。於京城及關內。河東。河南。河北。分道募壯勇之士。以忠王浚爲河北道行軍元帥。以討之。師竟不行。二十年。詔禮部尙書信安王禕爲行軍副大總管。領衆與幽州長史趙含章出塞擊破之。俘獲甚衆。可突于率其麾下遠遁。奚衆盡降。禕乃班師。明年。可突于又來抄掠。幽州長史薛楚玉遣副將郭英傑。吳克勤。鄔知義。羅守忠。率精騎萬人。并領降奚之衆。追擊之。軍至渝關。都山之下。可突于領突厥兵。以拒官軍。奚衆遂持兩端。散走保險。官軍大敗。知義守忠率麾下遁歸。英傑。克勤沒于陣。其下六千餘人盡爲賊所殺。詔以張守珪爲幽州長史兼御史中丞。以經略之。可突于漸爲守珪所逼。遣使僞降。俄又廼惑不定。引衆漸向西北。將就突厥。守珪遣管紀王悔等。就部落招諭之。時契丹衙官李過折。與可突于分掌兵馬。情不叶。每潛誘之。過折夜勒兵斬可突于及其支黨數十人。二十三年正月。傳首東都。詔封過折爲北平郡王。授特進。檢校松漠州都督。賜錦衣一副。銀器十事。絹綵三千疋。其年。過折爲可突于餘黨泥禮

所殺。并其諸子唯一子刺乾走投安東得免。拜左驍衛將軍。天寶十年。安祿山誣其酋長欲叛。請舉兵討之。八月。以幽州。雲中。平盧之衆數萬人。就黃水南契丹。衙與之戰。祿山大敗而還。死者數千人。至十二年。又降附。迄于貞元。常間歲來修藩禮。貞元四年。與奚衆同寇我振武。大掠人畜而去。九年。十年。復遣使來朝。大首領悔落拽何已下各授官放還。十一年。大首領熱蘇等二十五人來朝。自後至元和。長慶。寶曆。大和。開成。時遣使來朝貢。會昌二年九月。制契丹新立五屈戌。可雲麾將軍守右武衛將軍員外置同正員。幽州節度使張仲武上言。屈戌等云。契丹舊用廻紇印。今懇請開奏。乞國家賜印。許之。以奉國契丹之印爲文。

靺鞨。蓋肅慎之地。後魏謂之勿吉。在京師東北六千餘里。東至於海。西接突厥。南界高麗。北鄰室韋。其國凡爲數十部。各有酋帥。或附於高麗。或臣於突厥。而黑水靺鞨最處北方。尤稱勁健。每恃其勇。恒爲鄰境之患。俗皆編髮。性凶悍。無憂戚。貴壯而賤老。無屋宇。竝依山水。掘地爲穴。架木於上。以土覆之。狀如中國之塚墓。相聚而居。夏則出隨水草。冬則入處穴中。父子相承。世爲君長。俗無文。

靺鞨

字。兵器有角弓及楛矢。其畜宜豬。富人至數百口。食其肉而衣其皮。死者穿地埋之。以身襯土。無棺斂之具。殺所乘馬。於屍前設祭。有酋帥突地稽者。隋末率其部千餘家內屬。處之於營州。煬帝授突地稽金紫光祿大夫。遼西太守。武德初。遣間使朝貢。以其部落置燕州。仍以突地稽爲總管。劉黑闥之叛也。突地稽率所部赴定州。遣使詣太宗。請受節度。以戰功封善國公。又徙其部落於幽州之昌平城。會高開道引突厥來攻幽州。突地稽率兵邀擊。大破之。貞觀初。拜右衛將軍。賜姓李氏。尋卒。子謹行。偉貌。武力絕人。麟德中。歷遷營州都督。其部落家僮數千人。以財力雄邊。爲夷人所憚。累拜右領軍大將軍。爲積石道經略大使。吐蕃論欽陵等率衆十萬人入寇。遼中。謹行兵士樵採。素不設備。忽聞賊至。遂建旗伐鼓開門。以待之。吐蕃疑有伏兵。竟不敢進。上元三年。又破吐蕃數萬衆於青海。降璽書勞勉之。累授鎮軍大將軍。行右衛大將軍。封燕國公。永淳元年卒。贈幽州都督。陪葬乾陵。自後或有酋長自來。或遣使來朝貢。每歲不絕。其白山部。素附於高麗。因收平壤之後。部衆多入中國。汨咄安居骨室等部。亦因高麗破後。奔散微弱。後無聞焉。縱有遣人。竝爲渤海編戶。唯黑水部全盛。分爲

十六部。部又以南北爲柵。開元十三年。安東都護薛泰請於黑水靺鞨內置黑水軍。續更以最大部落爲黑水府。仍以其首領爲都督。諸部刺史隸屬焉。中國置長史。就其部落監領之。十六年。其都督賜姓李氏。名獻誠。授雲麾將軍兼黑水經略使。仍以幽州都督爲其押使。自此朝貢不絕。

渤海靺鞨

渤海靺鞨。大祚榮者。本高麗別種也。高麗旣滅。祚榮率家屬。徙居營州。萬歲通天年。契丹李盡忠反叛。祚榮與靺鞨乞四比羽。各領亡命。東奔保阻。以自固。盡忠旣死。則天命右玉鈐衛大將軍李楷固。率兵討其餘黨。先破斬乞四比羽。又度天門嶺。以迫祚榮。祚榮合高麗靺鞨之衆。以拒楷固。王師大敗。楷固脫身而還。屬契丹及奚。盡降突厥。道路阻絕。則天不能討。祚榮遂率其衆東。保桂婁之故地。據東牟山。築城以居之。祚榮驍勇善用兵。靺鞨之衆及高麗餘燼。稍稍歸之。聖曆中。自立爲振國王。遣使通于突厥。其地在營州之東二千里。南與新羅相接。越喜靺鞨。東北至黑水靺鞨。地方二千里。編戶十餘萬。勝兵數萬人。風俗與高麗及契丹同。頗有文字及書記。中宗卽位。遣侍御史張行岌。往招慰之。祚榮遣子入侍。將加冊立。會契丹與突厥連歲寇邊。使命不達。睿宗先天二年。遣

○振、殿本考證曰新書作震

郎將崔訢往冊。拜祚榮爲左驍衛員外大將軍渤海郡王。仍以其所統爲忽汗州。加授忽汗州都督。自是每歲遣使朝貢。開元七年。祚榮死。玄宗遣使弔祭。乃冊立其嫡子桂婁郡王大武藝。襲父爲左驍衛大將軍渤海郡王忽汗州都督。十四年。黑水靺鞨遣使來朝。詔以其地爲黑水州。仍置長史。遣使鎮押。武藝謂其屬曰。黑水途經我境。始與唐家相通。舊請突厥吐屯。皆先告我同去。今不計會。卽請漢官。必是與唐家通謀。腹背攻我也。遣母弟大門藝及其舅任雅相。發兵以擊黑水。門藝曾充質子至京師。開元初還國。至是謂武藝曰。黑水請唐家官吏。卽欲擊之。是背唐也。唐國人衆兵強。萬倍於我。一朝結怨。但自取滅亡。昔高麗全盛之時。強兵三十餘萬。抗敵唐家。不事賓伏。唐兵一臨。掃地俱盡。今日渤海之衆。數倍少於高麗。乃欲違背唐家。事必不可。武藝不從。門藝兵至境。又上書固諫。武藝怒。遣從兄大壹夏。代門藝統兵。徵門藝欲殺之。門藝遂棄其衆。間道來奔。詔授左驍衛將軍。武藝尋遣使朝貢。仍上表。極言門藝罪狀。請殺之。上密遣門藝往安西。仍報武藝云。門藝遠來歸投。義不可殺。今流向嶺南。已遣去訖。乃留其使馬文軌。葱勿雅。別遣使報之。俄有洩其事者。武藝又上書云。大

國示人以信。豈有欺誑之理。今聞門藝不向嶺南。伏請依前殺却。由是鴻臚少卿李道邃源復。以不能督察官屬。致有漏洩。左遷道邃爲曹州刺史。復爲澤州刺史。遣門藝暨向嶺南。以報之。二十年。武藝遣其將張文休。率海賊攻登州刺史韋俊。詔遣門藝往幽州徵兵。以討之。仍令太僕員外卿金思蘭。往新羅發兵。以攻其南境。屬山阻寒凍。雪深丈餘。兵士死者過半。竟無功而還。武藝懷怨不已。密遣使至東都。假刺客刺門藝於天津橋南。門藝格之不死。詔河南府捕獲其賊。盡殺之。二十五年。武藝病卒。其子欽茂嗣立。詔遣內侍段守簡。往冊欽茂爲渤海郡王。仍嗣其父爲左驍衛大將軍。忽汗州都督。欽茂承詔。赦其境內。遣使隨守簡入朝貢獻。大曆二年。至十年。或頻遣使來朝。或間歲而至。或歲內二三至者。十二年正月。遣使獻日本國舞女一十一人及方物。四月。十二月。使復來。建中三年五月。貞元七年正月。皆遣使來朝。授其使大常靖爲衛尉卿。同正令還蕃。八月。其王子大貞翰來朝。請備宿衛。十年正月。以來朝王子大清允。爲右衛將軍。同正。其下三十餘人。拜官有差。十一年二月。遣內常侍殷志贍。冊大嵩璘爲渤海郡王。十四年。加銀青光祿大夫。檢校司空。進封渤海郡王。嵩璘父

欽茂。開元中。襲父位爲郡王。左金吾大將軍。天寶中。累加特進。太子詹事。賓客。寶應元年。進封國王。大曆中。累加拜司空。大尉。及嵩璘襲位。但授其郡王將軍而已。嵩璘遣使叙理。故再加冊命。十一月。以王姪大能信。爲左驍衛中郎將。虞候。妻蕃長都督茹富仇。爲右武衛將軍。放還。二十一年。遣使來朝。順宗加嵩璘金紫光祿大夫。檢校司空。元和元年十月。加檢校太尉。十二月。遣使朝貢。四年。以嵩璘男元瑜。爲銀青光祿大夫。檢校祕書監。忽汗州都督。依前渤海國王。五年。遣使朝貢者二。七年。亦遣使來朝。八年正月。授元瑜弟權。知國務。言義。銀青光祿大夫。檢校祕書監。都督渤海國王。遣內侍李重晏使焉。十三年。遣使來朝。且告哀。五月。以知國務大仁秀。爲銀青光祿大夫。檢校祕書監。都督渤海國王。十五年閏正月。遣使來朝。加大仁秀。金紫光祿大夫。檢校司空。十二月。復遣使來朝貢。長慶二年正月。又遣使來。四年二月。大叡等五人來朝。請備宿衛。寶曆中。比歲修貢。大和元年。四年。皆遣使來朝。五年。大仁秀卒。以權知國務。大彝震爲銀青光祿大夫。檢校祕書監。都督渤海國王。六年。遣王子大明俊等來朝。七年正月。遣同中書右平章事高寶英來謝冊命。仍遣學生三人。隨寶英請赴上

都學問。先遣學生三人。事業稍成。請歸本國。許之。二月。王子大先晟等六人來朝。開成後。亦修職貢不絕。

史臣曰。北狄密邇中華。侵邊蓋有之矣。東夷隔礙瀛海。作梗罕常聞之。非惟勞使之然。抑亦稟於天性。太平之人仁。空峒之人武。信矣。隋煬帝縱欲無厭。興兵遼左。急歛暴欲。由是而起亂臣賊子。得以爲資。不戢自焚。遂亡其國。我太宗文皇帝。親馭戎輅。東征高麗。雖有成功。所損亦甚。及凱還之日。顧謂左右曰。使朕有魏徵在。必無此行矣。則是悔於出師也可知矣。何者。夷狄之國。猶石田也。得之無益。失之何傷。必務求虛名。以勞有用。但當修文德以來之。被聲教以服之。擇信臣以撫之。謹邊備以防之。使重譯來庭。航海入貢。茲庶得其道也。

贊曰。東夷之人。北狄之俗。爰考周官。是稱蠻服。未得無傷。已得何足。宜務懷柔。謂之羈束。

唐書

〔唐書〕二十一 禮樂志第十一

高麗伎

高麗伎。有彈箏。搗箏。鳳首箏。篋。臥箏。篋。豎箏。篋。琵琶。以蚺皮爲槽。厚寸餘。有鱗甲。楸木爲面。象牙爲捍撥。畫國王形。又有五絃。義背笛。笙。葫蘆笙。簫。小鸞。築。桃皮。鸞。築。腰鼓。齊鼓。檐鼓。龜頭鼓。鐵版。貝。大鸞。築。胡旋舞。舞者立球上。旋轉如風。

〔唐書〕二十二 禮樂志第十二

東夷樂

周。隋與北齊。陳接壤。故歌舞雜有四方之樂。至唐東夷樂有高麗。百濟。北狄有鮮卑。吐谷。渾。部落。稽。南蠻有扶南。天竺。南詔。驃國。西戎有高昌。龜茲。疏勒。康國。安國。凡十四國之樂。而八國之伎。列于十部樂。中宗時。百濟樂工人亡散。岐王爲太常卿。復奏置之。

百濟樂

〔唐書〕二十九 地理志第二十九 河北道

安東上都護府

安東上都護府。總章元年。李勣平高麗國。得城百七十六。分其地爲都督府九。州四十二。縣一百。置安東都護府於平壤城。以統之。用其會渠爲都督。刺史縣令。上元三年。徙遼東郡故城。儀鳳三年。又徙新城。聖曆元年。更名安東都督府。神龍元年。復故名。開元二年。徙于平州。天寶二年。又徙于遼西故郡城。至德後

廢。土貢人。有安東守捉。有懷遠軍。天寶二載置。又有保定軍。

〔唐書〕四十三下 地理志第三

○比、南本殿本作北

高麗降戶。州十四。府九。太宗親征。得蓋牟城。置蓋州。得遼東城。置遼州。得白崖城。置白州。及師還。拔蓋遼二州之人。以歸。高宗滅高麗。置都督府九州。四十二。後所存州止十四。初顯慶五年。平百濟。以其地置熊津。馬韓。東明。金。德。安。五都督府。并置帶方州。麟德後廢。

○比、南本殿本作北

南蘇州 蓋牟州 代那州 倉巖州 磨米州 積利州 黎山州
延津州 木底州 安市州 諸比州 識利州 拂涅州 拜漢州

新城州都督府 遼城州都督府 哥勿州都督府

衛樂州都督府 舍利州都督府 居素州都督府

越喜州都督府 去且州都督府 建安州都督府

右隸安東都督府

○安東都督府 原作安南都護府 據南本殿本改

唐置羈縻諸州。皆傍塞外。或寓名於夷落。而四夷之與中國通者甚衆。若將臣之所征討。敕使之所慰賜。宜有以記其所從出。天寶中。玄宗問諸蕃國遠近。鴻臚卿王忠嗣以西域圖對。纔十數國。其後貞元宰相賈耽考方域道里之數最詳。從邊州入四夷。通譯于鴻臚者。莫不畢紀。其入四夷之路。與關戍走集最要

營州入安東道

者七。一曰營州入安東道。二曰登州海行入高麗。渤海道。三曰夏州塞外通大同。雲中道。四曰中受降城入回鶻道。五曰安西入西域道。六曰安南通天竺道。七曰廣州通海夷道。其山川聚落封略遠近。皆槩舉其目。州縣有名而前所不錄者。或夷狄所自名云。

營州西北百里曰松陁嶺。其西奚。其東契丹。距營州北四百里至遼水。營州東百八十里至燕郡城。又經汝羅守捉。渡遼水至安東都護府五百里。府故漢襄平城也。東南至平壤城八百里。西南至都里海口六百里。西至建安城三百里。故中郭縣也。南至鴨綠江。北泊洑城七百里。故安平縣也。自都護府東北經古蓋牟。新城。又經渤海長嶺府千五百里。至渤海王城。城臨忽汗海。其西南三十里有古肅慎城。其北經德理鎮。至南黑水靺鞨千里。

登州道行入高麗渤海道

○末、南本殿本作游

登州東北海行過大謝島。龜歌島。末島。烏湖島三百里。北渡烏湖海。至馬石山東之都里鎮二百里。東傍海壩過青泥浦。桃花浦。杏花浦。石人汪。橐駝灣。烏骨

○鴨綠江、三字恐衍

江八百里。乃南傍海壩過烏牧島。貝江口。椒島。得新羅西北之長口鎮。又過秦王石橋。麻田島。古寺島。得物島千里。至鴨綠江。唐恩浦口。乃東南陸行七百里。

○九、恐丸之誤

至新羅王城。自鴨渌江口舟行百餘里。乃小舫泝流東北三十里。至泊汊口。得渤海之境。又泝流五百里。至九都縣城。故高麗王都。又東北泝流二百里。至神州。又陸行四百里。至顯州。天寶中。王所都。又正北如東六百里。至渤海王城。

〔唐書〕二百二十四列傳第一百四十五

高麗

高麗。本扶餘別種也。地東跨海距新羅。南亦跨海距百濟。西北度遼水與營州接。北靺鞨。其君居平壤城。亦謂長安城。漢樂浪郡也。去京師五千里而贏。隨山屈遼爲郭。南涯浪水。王築宮其左。又有國內城。漢城。號別都。水有大遼。少遼。大遼出靺鞨西南山。南歷安市城。少遼出遼山西。亦南流。有梁水。出塞外。西行與之合。有馬訾水。出靺鞨之白山。色若鴨頭。號鴨渌水。歷國內城。西與鹽難水合。又西南至安市入于海。而平壤在鴨渌東南。以巨鱸濟人。因特以爲壘。官凡十二級。曰大對盧。或曰吐粹。曰鬱折。主圖簿者。曰太大使者。曰帛衣頭大兄。所謂帛衣者先人也。秉國政。三歲一易。善職則否。凡代日有不服。則相攻。王爲閉宮守。勝者聽爲之。曰大使者。曰大兄。曰上位使者。曰諸兄。曰小使者。曰過節。曰先人。曰古鄒大加。其州縣六十。大城置僣薩一。比都督。餘城置處閭近支。亦號道

○婁、南本作樓

使。比刺史。有參佐分幹。有大模達。比衛將軍。末客。比中郎將。分五部。曰內部。曰漢桂婁部也。亦號黃部。曰北部。即絕奴部也。或號後部。曰東部。即順奴部也。或號左部。曰南部。即灌奴部也。亦號前部。曰西部。即消奴部也。王服五采。以白羅製冠。革帶。皆金釦。大臣青羅冠。次絳羅。珥兩鳥羽。金銀雜釦。衫箭褭。袴大口。白韋帶。黃革履。庶人衣褐。戴弁。女子首巾。輿。俗喜奕。投壺。蹙鞠。食用蓬豆。蠶蠶疊。洗。居依山谷。以草茨屋。惟王宮官府佛廬以瓦。糞民盛冬作長坑。煴火以取煖。其治峭法以繩下。故少犯叛者。叢炬灼體。乃斬之。籍入其家。降敗殺人及剽劫者。斬。盜者十倍取償。殺牛馬者。沒爲奴婢。故道不撥遺。婚娶不用幣。有受者恥之。服父母喪三年。兄弟踰月除。俗多淫祠。祀靈星及日箕子可汗等神。國左有大穴。曰神隧。每十月王皆自祭。人喜學。至窮里。斲家。亦相矜勉。衢側悉構嚴屋。號扁堂。子弟未婚者。曹處誦經習射。隋末其王高元死。異母弟建武嗣。武德初。再遣使入朝。高祖下書修好。約高麗人在中國者護送。中國人在高麗者救遣還。于是建武悉搜亡命歸。有司且萬人。後三年。遣使者拜爲上柱國遼東郡王。高麗王。命道士以像法往爲講老子。建武大悅。率國人共聽之。日數千人。帝謂

左右曰。名實須相副。高麗雖臣于隋。而終拒煬帝。何臣之爲。朕務安人。何必受其臣。裴矩溫彥博諫曰。遼東本箕子國。魏晉時故封內。不可不臣。中國與夷狄。猶太陽於列星。不可以降。乃止。明年。新羅百濟上書言。建武閉道。使不得朝。且數侵入。有詔散騎侍郎朱子奢持節諭和。建武謝罪。乃請與二國平。太宗已禽突厥頡利。建武遣使者賀。并上封城圖。帝詔廣州司馬長孫師臨。瘞隋士戰皆。毀高麗所立京觀。建武懼。乃築長城千里。東北首扶餘。西南屬之海。久之。遣太子桓權入朝。獻方物。帝厚賜賚。詔使者陳大德。持節答勞。且觀釁。大德入其國。厚餉官守。悉得其織曲。見華人流客者。爲道親戚存亡。人人垂涕。故所至士女夾道觀。建武盛陳兵見使者。大德還奏。帝悅。大德又言。聞高昌滅。其大對盧三至館。有加禮焉。帝曰。高麗地止四郡。我發卒數萬。攻遼東。諸城必救我。以舟師自東萊。颶海趨平壤。固易。然天下甫平。不欲勞人耳。有蓋蘇文者。或號蓋金。姓泉氏。自云生水中。以惑衆。性忍暴。父爲東部大人。大對盧死。蓋蘇文當嗣。國人惡之。不得立。頓首謝衆。請攝職。有不可。雖廢無悔。衆哀之。遂嗣位。殘凶不道。諸大臣與建武議誅之。蓋蘇文覺。悉召諸部。給云。大閱兵列饌具。請大臣臨視。賓

○必下、册府有來字

○部、原作部、據南本殿本改

○尉、殿本作慰

至盡殺之。凡百餘人。馳入宮殺建武。殘其尸投諸溝。更立建武弟之子藏爲王。自爲莫離支專國。猶唐兵部尙書中書令職云。貌魁秀美鬚髯。冠服皆飾以金。佩五刀。左右莫敢仰視。使貴人伏諸地。踐以升馬。出入陳兵。長呼禁切。行人畏竄。至投坑谷。帝聞建武爲下所殺。惻然。遣使者持節弔祭。或勸帝可遂討之。帝不欲因喪伐罪。乃拜藏爲遼東郡王。高麗王。帝曰。蓋蘇文殺君攘國。朕取之易耳。不願勞人若何。司空房玄齡曰。陛下士勇而力有餘。戢不用。所謂止戈爲武者。司徒長孫無忌曰。高麗無一介告難。宜賜書安尉之。隱其患。撫其存。彼當聽命。帝曰善。會新羅遣使者上書言。高麗百濟聯和將見討。謹歸命天子。帝問若何而免。使者曰。計窮矣。惟陛下哀憐。帝曰。我以偏兵。率契丹。靺鞨入遼東。而國可紓一歲。一策也。我以絳袍丹幟數千。賜而國。至建以陣。二國見謂我師至。必走。二策也。百濟恃海。不修戎械。我以舟師數萬襲之。而國女君。故爲鄰侮。我以宗室主而國。待安則自守之。三策也。使者計孰取。使者不能對。于是遣司農丞相里玄獎。以璽書讓高麗。且使止勿攻。使未至。而蓋蘇文已取新羅二城。玄獎諭帝旨。答曰。往隋見侵。新羅乘釁奪我地五百里。今非盡反地。兵不止。玄獎曰。

○女、原作汝、據殿本改

往事烏足論邪。遼東故中國郡縣。天子且不取。高麗焉得違詔。不從。玄獎還奏。帝曰。莫離支殺君。虐用其下。如獲罪。怨痛溢道。我出師無名哉。諫議大夫褚遂良曰。陛下之兵。度遼而克。固善。萬分一不得逞。且再用師。再用師。安危不可億。兵部尚書李勣曰。不然。曩薛延陀盜邊。陛下欲追擊。魏徵苦諫而止。向若擊之。一馬不生返。後復畔擾。至今爲恨。帝曰。誠然。但一慮之失而尤之。後誰爲我計者。新羅數請援。乃下吳船四百。柁輸糧。詔營州都督張儉等。發幽營兵及契丹奚。靺鞨等出討。會遼溢師還。莫離支懼。遣使者。內金。帝不納。使者又言。莫離支遣官五十入宿衛。帝怒責使者曰。而等委質高武。而不仗節死義。又爲逆子謀。不可赦。悉下之獄。于是帝欲自將討之。召長安耆老勞曰。遼東故中國地。而莫離支賊殺其主。朕將自行經略之。故與父老約。子若孫從我行。我能拊循之。毋庸卹也。卽厚賜布粟。羣臣皆勸帝毋行。帝曰。吾知之矣。去本而就末。捨高以取下。釋近而之遠。三者爲不祥。伐高麗是也。然蓋蘇文弑君。又戮大臣以逞。一國之人延頸待救。議者顧未亮耳。于是北輸粟營州。東儲粟古大人城。帝幸洛陽。乃以張亮爲平壤道行軍大總管。常何左難當副之。冉仁德。劉英行。張文幹。

○內上、恐脫數字○
內、冊府作白

龐孝泰。程名振爲總管。帥江吳京洛募兵凡四萬。吳艘五百。泛海趨平壤。以李勣爲遼東道行軍大總管。江夏王道宗副之。張士貴。張儉。執失思力。契苾何力。阿史那彌射。姜德本。麴智盛。吳黑闥爲行軍總管。隸之。帥騎士六萬。趨遼東。詔曰。朕所過營頓。毋飭食。毋豐怪。水可涉者。勿作橋梁。行在非近州縣。不得令學生耆老迎謁。朕昔提戈撥亂。無盈月儲。猶所嚮風靡。今幸家給人足。祗恐勞于轉餉。故驅牛羊以飼軍。且朕必勝有五。以我大擊彼小。以我順討彼逆。以我安乘彼亂。以我逸敵彼勞。以我悅當彼怨。渠憂不克邪。又發契丹奚。新羅百濟諸君長兵悉會。十九年二月。帝自洛陽次定州。謂左右曰。今天下大定。唯遼東未賓。後嗣因士馬盛彊。謀臣導以征討。夷亂方始。朕故自取之。不遺後世憂也。帝坐城門。過兵人人撫慰。疾病者親視之。敕州縣治療。士大悅。長孫無忌白奏。天下符魚悉從。而宮官止十人。天下以爲輕神器。帝曰。士度遼十萬。皆去家屋。朕以十人從。尙惡其多。公止勿言。帝身屬囊房。結兩箠于鞍。四月。勣濟遼水。高麗皆嬰城守。帝大饗士。帳幽州之南。詔長孫無忌誓師。乃引而東。勣攻蓋牟城。拔之。得戶二萬。糧十萬石。以其地爲蓋州。程名振攻沙卑城。夜入其西城潰。虜其

口八千。游兵鴨渌上。勸遂圍遼東城。帝次遼澤。詔瘞隋戰士露骸。高麗發新城。國內城騎四萬救遼東。道宗率張君乂逆戰。君乂却。道宗以騎馳之。虜兵辟易。奪其梁。收散卒。乘高以望見。高麗陣囂。急擊破之。斬首千餘級。誅君乂以詢。帝度遼水。徹杠約堅士心。營馬首山。身到城下。見士填塹。分負之重者。馬上持之。羣臣震懼。爭挾塊以進。城有朱蒙祠。祠有鎖甲銛矛。妄言前燕世天所降。方圍急。飾美女以婦神。巫言朱蒙悅。城必完。勸列拋車。飛大石。過三百步。所當輒潰。虜積木為樓。結垣罔不能拒。以衝車撞陣。屋碎之。時百濟上金髮鎧。又以玄金為山五文鏡。士被以從。帝與勸會。甲光炫日。會南風急。士縱火焚西南。標延城中。屋幾盡。人死于燎者萬餘。衆登陴。虜蒙盾以拒。士舉長矛春之。蘭石如雨。城遂潰。獲勝兵萬。戶四萬。糧五十萬石。以其地為遼州。初帝自太子所屬行在。舍置一烽。約下遼東舉烽。是日傳燎入塞。進攻白崖城。城負山。崖水險甚。帝壁西北。虜酋孫伐晉陰丐降。然城中不能一。帝賜幟曰。若降建于堞。以信。俄而舉幟。城人皆以唐兵登矣。乃降。初伐晉中悔。帝怒。約以虜口界諸將。及是李勣曰。士奮而先貪虜獲也。今城危拔。不可許降。以孤士心。帝曰。將軍言是也。然縱兵殺

○詢、南本殿本作詢

○時以下至從凡二十
字。冊府云初太宗遣
使於百濟。濟國中探取
漆用塗鐵甲皆紫引金
曜色。過兼金。又以五
從將軍。染玄金製為山
甲並

戮略人妻孥。朕不忍。將軍麾下有功者。朕能以庫物賞之。庶因將軍贖一城乎。獲男女凡萬。兵二千。以其地為巖州。拜伐晉為刺史。莫離支以加尸人七百。戊蓋牟。勣俘之。請自効。帝曰。而家加尸。乃為我戰。將盡戮矣。夷一姓。求一人力。不可稟。而縱之。次安市。于是高麗北部倭薩高延壽。南部倭薩高惠真。引兵及靺鞨。衆十五萬來援。帝曰。彼若勒兵連安市。而壁據高山。取城中粟食之。縱靺鞨略吾牛馬。攻之不可下。此上策也。拔城夜去。中策也。與吾爭鋒則禽矣。有大對盧。為延壽計曰。吾聞中國亂。英雄竝奮。秦王神武。敵無堅戰。無前。遂定天下。南面而帝。北狄西戎罔不臣。今掃地而來。謀臣重將皆在。其鋒不可校。今莫若頓兵曠日。陰遣奇兵絕其饗道。不旬月糧盡。欲戰不得。歸則無路。乃可取也。延壽不從。引軍距安市四十里而屯。帝曰。虜墮吾策中矣。命左衛大將軍阿史那社爾。以突厥千騎嘗之。虜常以靺鞨靺鞨兵居前。社爾兵接而北。延壽曰。唐易與耳。進一舍倚麓而陣。帝詔延壽曰。我以爾有疆臣。賊殺其主。來問罪。即交戰。非我意。延壽謂然。按甲俟。帝夜召諸將。使李勣率步騎萬五千。陣西嶺當賊。長孫無忌。牛進達精兵萬人。出虜背狹谷。帝以騎四千。偃幟趨虜北山上。令諸軍曰。聞

○嘗、冊府作誘

○進一舍、冊府作進軍於安市城東南八里

鼓聲而縱。張幄朝堂。曰。明日日中納降虜于此。是夜流星墮延壽營。且日虜視勸軍少。卽戰。帝望無忌軍塵上。命鼓角作。兵輒四合。虜惶惑。將分兵禦之。衆已囂。勸以步架擊敗之。無忌乘其後。帝自山馳下。虜大亂。斬首二萬級。延壽收餘衆。負山自固。無忌勸合圍之。徹川梁斷歸路。帝按轡觀虜營。曰。高麗傾國來。一麾而破。天贊我也。下馬再拜謝。況于天。延壽等度勢窮。卽舉衆降。入轅門。膝而行。拜手請命。帝曰。後敢與天子戰乎。惶汗不得對。帝料酋長二千五百人。悉官之。許內徙。餘衆三萬縱還之。誅鞞鞞三千餘人。獲馬牛十萬。明光鎧萬領。高麗震駭。后黃銀二城自拔去。數百里無舍煙。乃驛報太子。并賜諸臣書曰。朕自將若此云何。因號所幸山爲駐蹕山。圖破陣狀。勒石紀功。拜延壽鴻臚卿。惠真司農卿。候騎獲覘人。帝解其縛。自言不食且三日。命飼之。賜以履。遣曰。歸語莫離支。若須軍中進退。可遣人至吾所。帝每營不作塹壘。謹斥候而已。而士運糧雖單騎。虜不敢鈔。帝與勸議所攻。帝曰。吾聞安市地險而衆悍。莫離支擊不能下。因與之。建安恃險絕。粟多而士少。若出其不意攻之。不相救矣。建安得則安市在吾腹中。勸曰。不然。積糧遼東。而西擊建安。賊將梗我歸路。不如先攻安市。

○擊衆、冊府作卒三萬六千八百人

○二、南本作三

(州、殿本作東)

帝曰善。遂攻之。未能下。延壽惠真謀曰。烏骨城僣薩已耄。朝攻而夕可下。烏骨拔則平壤舉矣。羣臣亦以張亮軍在沙城。召之一。昔至。若取烏骨度鴨綠。迫其腹心。計之善者。無忌曰。天子行師不徵幸。安市衆十萬。在吾後。不如先破之。乃驅而南。萬全勢也。乃止。城中見帝旌麾。輒乘陣譟。帝怒。勸請破日。男子盡誅。虜聞故死戰。江夏王道宗築距圍攻東南。虜增陣以守。勸攻其西。撞車所壞。隨輒串柵爲樓。帝聞城中雞彘聲。曰。圍久。突無黔煙。今雞彘鳴。必殺以饗士。虜且夜出。詔嚴兵。丙夜虜數百人縋而下。悉禽之。道宗以樹枚裹土。積之距圍成。迫城不數丈。果毅都尉傅伏愛守之。自高而排其城。城且頽。伏愛私去所部。虜兵得自頽城出。據而塹斷之。積火縈盾固守。帝怒。斬伏愛。敕諸將擊之。三日不克。有詔班師。拔遼蓋二州之人以歸。兵過城下。城中屏息偃旗。會長登城再拜。帝嘉其守。賜絹百匹。遼州粟尙十萬斛。士取不能盡。帝至渤澥水。阻淖八十里。車騎不通。長孫無忌、楊師道等率萬人斬樵築道。聯車爲梁。帝負薪馬上助役。十月。兵畢度。雪甚。詔屬燎以待濟。始行。士十萬。馬萬匹。逮遺物故裁千餘。馬死十八。船師七萬。物故亦數百。詔集戰骸。葬柳城。祭以大牢。帝臨哭。從臣皆流涕。帝總

○船師、冊府作張亮水軍

○契、殿本作潔

飛騎入臨渝關。皇太子迎道左。初帝與太子別。御褐袍曰。俟見爾乃更袍。歷二時弗易。至穿穴。羣臣請更服。帝曰。士皆敝衣。吾可新服邪。及是太子進絮衣。乃御。遼降口萬四千。當沒爲奴婢。前集幽州將分賞士。帝以父子夫婦離析。詔有司以布帛贖之。原爲民。列拜讙舞。三日不息。延壽旣降。以憂死。獨惠眞至長安。明年春。藏遣使者上方物。且謝罪。獻二姝口。帝敕還之。謂使者曰。色者人所重。然愍其去親戚。以傷乃心。我不取也。初師還。帝以弓服賜蓋蓀文。受之。不遣使者謝。于是下詔。削棄朝貢。又明年三月。詔左武衛大將軍牛進達爲青丘道行軍大總管。右武衛將軍李海岸副之。自萊州度海。李勣爲遼東道行軍大總管。右武衛將軍孫貳朗。右屯衛大將軍鄭仁泰副之。率營州都督兵。繇新城道以進。次南蘓木底。虜兵戰不勝。焚其郭。七月。進達等取石城。進攻積利城。斬級數千。乃皆還。藏遣子莫離支高任武來朝。因謝罪。二十二年。詔右武衛大將軍薛萬徹爲青丘道行軍大總管。右衛將軍裴行方副之。自海道入。部將古神威。與虜戰曷山。虜潰。虜乘暝襲我舟。伏兵破之。萬徹度鴨渚。次泊灼城。拒四十里而舍。虜懼皆棄邑居去。大會所夫孫拒戰。萬徹擊斬之。遂圍城。破其援兵三萬。乃

○藏以下至罪凡十四字。冊府作高麗使第。二子莫離支高任武。來朝。因謝罪。帝許納之。

○事師討之。冊府作發兵一萬討高麗。

○俱。原作沮。據殿本改。

還。帝與長孫無忌計曰。高麗困吾師之入。戶亡耗田。歲不收。蓋蘇文築城增障。下飢臥死溝壑。不勝敵矣。明年以三十萬衆。公爲大總管。一舉可滅也。乃詔劔南大治船。蜀人願輸財江南。計直作舟。舟取緡千二百。巴蜀大騷。邛眉雅三州獠皆反。發隴西。峽內兵二萬。擊定之。始帝決取虜。故詔陝州刺史孫伏伽。萊州刺史李道裕。儲糧械於三山浦。烏胡島。越州都督治大艫。偶舫以待。會帝崩。乃皆罷。藏遣使者奉慰。永徽五年。藏以靺鞨兵攻契丹。戰新城。大風。矢皆還。激爲契丹所乘。大敗。契丹火野復戰。人死相藉。積尸而冢之。遣使者告捷。高宗爲露布于朝。六年。新羅訴高麗靺鞨奪三十六城。惟天子哀救。有詔營州都督程名振。左衛中郎將蘇定方。率師討之。至新城。敗高麗兵。火外郭。及墟落引還。顯慶三年。復遣名振。率薛仁貴攻之。未能克。後二年。天子已平百濟。乃以左驍衛大將軍契苾何力。右武衛大將軍蘇定方。左驍衛將軍劉伯英。率諸將出沮江。遼東平壤道討之。龍朔元年。大募兵。拜置諸將。天子欲自行。蔚州刺史李君球建言。高麗小醜。何至傾中國事之有。如高麗旣滅。必發兵以守。少發則威不振。多發人不安。是天下疲于轉戍。臣謂征之未如勿征。滅之未如勿滅。亦會武后苦

遼帝乃止。八月，定方破虜兵于浪江，奪馬邑山，遂圍平壤。明年，龐孝泰以嶺南兵壁蛇水，蓋蘇文攻之，舉軍沒。定方解而歸。乾封元年，藏遣子男福從天子封泰山還，而蓋蘇文死。子男生代爲莫離支，與弟男建、男產相怨。男生據國內城，遣子獻誠入朝求救。蓋蘇文弟淨土亦請割地降，乃詔契苾何力爲遼東道安撫大使，左金吾衛將軍龐同善營州都督高侃爲行軍總管，左武衛將軍薛仁貴、左監門將軍李謹行殿而行。九月，同善破高麗兵，男生率師來會，詔拜同善特進遼東大都督兼平壤道安撫大使，封玄菟郡公。又以李勣爲遼東道行軍大總管兼安撫大使，與契苾何力、龐同善并力，詔獨孤卿雲由鴨綠道，郭待封積利道，劉仁願畢列道，金待問海谷道，竝爲行軍總管，受勣節度，轉燕趙食，詹遼東。明年正月，勣引道次新城，合諸將謀曰：「新城賊西鄙，不先圖，餘城未易下。遂壁西南山臨城，城人縛戍會出降，勣進拔城十有六，郭待封以舟師濟海趨平壤。」三年二月，勣率仁貴拔扶餘城，它城三十，皆納款。同善、侃守新城，男建遣兵襲之，仁貴救，侃戰金山不勝。高麗鼓而進，銳甚，仁貴橫擊大破之，斬首五萬級，拔南蘇、木底、蒼巖三城，引兵略地，與勣會。侍御史賈言忠計事還，帝問軍中

○虜，殿本作落

云何？對曰：「必克。昔先帝問罪，所以不得志者，虜未有壘也。諺云：『軍無媒，中道回。』今男生兄弟鬩，爲我鄉導，虜之情僞，我盡知之。將忠士力臣，故曰必克。且高麗祕記曰：『不及九百年，當有八十大將滅之。』高氏自漢有國，今九百年，勣年八十矣。虜仍薦飢，人相掠賣，地震裂，狼狐入城，蚘穴于門，人心危駭，是行不再舉矣。男建以兵五萬襲扶餘，勣破之，薩賀水上，斬首五千級，俘口三萬，器械牛馬稱之。進拔大行城，劉仁願與勣會後期，召還當誅，赦流姚州。契苾何力會勣軍于鴨綠，拔辱夷城，悉師圍平壤。九月，藏遣男產率首領百人，樹素幡降，且請入朝，勣以禮見，而男建猶固守，出戰數北。大將浮屠信誠遣諜約內應，五日闔啓，兵譟而入，火其門，鬱焰四興，男建窘急，自刺不殊，執藏、男建等，收凡五部，百七十六城，戶六十九萬，詔勣便道獻俘昭陵，凱而還。十二月，帝坐含元殿，引見勣等，數俘于廷，以藏素脅制，赦爲司平太常伯，男產司宰少卿，投男建黔州，百濟王扶餘隆嶺外，以獻誠爲司衛卿，信誠爲銀青光祿大夫，男生右衛大將軍，何力行左衛大將軍，勣兼太子太師，仁貴威衛大將軍，剖其地爲都督府者九州，四十二縣，百復置安東都護府，擢會豪有功者，授都督刺史令，與華官參治，仁

○時、南本作訪

貴爲都護。總兵鎮之。是歲。郊祭。以高麗平。謝成于天。摠章二年。徙高麗民三萬于江淮山南。大長鉗牟岑率衆反。立藏外孫安舜爲王。詔高侃東州道。李謹行燕山道。竝爲行軍總管討之。遣司平太常伯楊昉綏納亡餘。舜殺鉗牟岑走新羅。侃徙都護府。治遼東州。破叛兵于安市。又敗之泉山。俘新羅援兵二千。李謹行破之于發盧河。再戰俘馘萬計。于是平壤殘不能軍。相率奔新羅。凡四年乃平。始謹行留妻劉。守伐奴城。虜攻之。劉擐甲勒兵守。賊引去。帝嘉之。封燕郡夫人。儀鳳二年。授藏遼東都督。封朝鮮郡王。還遼東以安餘民。先編僑內州者。皆原遣。徙安東都護府於新城。藏與靺鞨謀反。未及發。召還放邛州。斫其人于河南隴右。弱竄者留安東。藏以永淳初死。贈衛尉卿。葬頡利墓左。樹碑其阡。舊城往往入新羅。遣人散犇突厥。靺鞨。由是高氏君長皆絕。垂拱中。以藏孫寶元爲朝鮮郡王。聖曆初。進左鷹揚衛大將軍。更封忠誠國王。使統安東舊部。不行。明年。以藏子德武爲安東都督。後稍自國。至元和末。遣使者獻樂工云。

○東、原作都、據南本殿本改

百濟

百濟。扶餘別種也。直京師東六千里而贏。濱海之陽。西界越州。南倭。北高麗。皆踰海乃至。其東新羅也。王居東西二城。官有內臣佐平者。宣納號令。內頭佐平。

○外、御覽所引作在外兵馬事五字

○高、御覽所引北史作高。○貞、北史作眞。○甘、北史作苗。

主帑聚。內法佐平。主禮。衛士佐平。典衛兵。朝廷佐平。主獄。兵官佐平。掌外。兵有六萬。方統十郡。大姓有八。沙氏。燕氏。勃氏。解氏。貞氏。國氏。木氏。昔氏。其法叛逆者誅。籍其家。殺人者輸奴婢三贖罪。吏受賕及盜三倍償。錮終身。俗與高麗同。有三島。生黃漆。六月刺取。漆色若金。王服大襲紫袍。青錦袴。素皮帶。烏革履。烏羅冠。飾以金。羣臣絳衣。飾冠以銀。禁民衣絳紫。有文藉。紀時月如華人。武德四年。王扶餘璋始遣使獻果下馬。自是數朝貢。高祖冊爲帶方郡王。百濟王。後五年。獻明光鏡。且訟高麗梗貢道。太宗貞觀初。詔使者平其怨。又與新羅世仇。數相侵。帝賜璽書曰。新羅朕蕃臣。王之鄰國。聞數相侵暴。朕已詔高麗。新羅申和。王宜忘前怨。識朕本懷。璋奉表謝。然兵亦不止。再遣使朝。上鐵甲雕斧。帝優勞之。賜帛段三千。十五年。璋死。使者素服奉表曰。君外臣百濟王扶餘璋卒。帝爲舉哀。玄武門。贈光祿大夫。賻賜甚厚。命祠部郎中鄭文表。冊其子義慈爲柱國紹王。義慈事親孝。與兄弟友。時號海東曾子。明年。與高麗連和伐新羅。取四十餘城。發兵守之。又謀取棠項城。絕貢道。新羅告急。帝遣司農丞相里玄獎。齎詔書諭解。聞帝新討高麗。乃間取新羅七城。久之。又奪十餘城。因不朝貢。高

○閩、南本作問

○校、南本作校

宗立。乃遣使者來。帝詔義慈曰。海東三國。開基舊矣。地固犬牙。比者隙爭侵校。無寧歲。新羅高城重鎮。皆爲王并。歸窮于朕。巧王歸地。昔齊桓一諸侯。尙存亡國。況朕萬方主。可不卹其危邪。王所兼城宜還之。新羅所俘亦畀還王。不如詔者。任王決戰。朕將發契丹諸國。度遼深入。王可思之。無後悔。永徽六年。新羅訴百濟。高麗。靺鞨。取北境三十城。顯慶五年。乃詔左衛大將軍蘇定方爲神丘道行軍大總管。率左衛將軍劉伯英。右武衛將軍馮士貴。左驍衛將軍龐孝泰。發新羅兵討之。自城山濟海。百濟守熊津口。定方縱擊。虜大敗。王師乘潮帆以進。趨真都城一舍止。虜悉衆拒。復破之。斬首萬餘級。拔其城。義慈挾太子隆。走北鄙。定方圍之。次子泰自立爲王。率衆固守。義慈孫文思曰。王太子固在。叔乃自王。若唐兵解去。如我父子何。與左右縋而出。民皆從之。泰不能止。定方令士超。堞立幟。泰開門降。定方執義慈。隆及小王孝演。會長五十八人。送京師。平其國。五部。三十七郡。二百城。戶七十六萬。乃析置熊津。馬韓。東明。金漣。德安。五都督府。擢會渠長治之。命郎將劉仁願守百濟城。左衛郎將王文度爲熊津都督。九月。定方以所俘見。詔釋不誅。義慈病死。贈衛尉卿。許舊臣赴臨。詔葬孫皓。陳叔

○真、冊府作麗

○真、通鑑作其

○存、原作孝、據南本殿本改

寶墓左。授隆司稼卿。文度濟海卒。以劉仁軌代之。璋從子福信嘗將兵。乃與浮屠道琛據周留城反。迎故王子扶餘豐於倭。立爲王。西部皆應。引兵圍仁願。龍朔元年。仁軌發新羅兵往救。道琛立二壁熊津江。仁軌與新羅兵夾擊之。奔入壁。爭梁墮溺者萬人。新羅兵還。道琛保任存城。自稱領軍將軍。福信稱霜岑將軍。告仁軌曰。聞唐與新羅約破百濟。無老孺皆殺之。畀以國。我與受死。不若戰。仁軌遣使齋書答說。道琛倨甚。館使者于外。嬖報曰。使人官小。我國大將。禮不當見。徒遣之。仁軌以衆少。乃休軍養威。請合新羅圖之。福信俄殺道琛。并其兵。豐不能制。二年七月。仁願等破之熊津。拔支羅城。夜薄真峴。比明入之。斬首八百級。新羅餉道乃開。仁願請濟師。詔右威衛將軍孫仁師爲熊津道行軍總管。發齊兵七千往。福信顛國。謀殺豐。豐率親信斬福信。與高麗倭連和。仁願已得齊兵士氣振。乃與新羅王金法敏率步騎而遣。劉仁軌率舟師。自熊津江偕進。趨周留城。豐衆屯白江口。四遇皆克。火四百艘。豐走不知所在。僞王子扶餘忠勝。忠志。率殘衆及倭人請命。諸城皆復。仁願勒軍還。留仁軌代守。帝以扶餘隆爲熊津都督。俾歸國。平新羅故憾。招還遺人。麟德二年。與新羅王會熊津城。刑

白馬以盟。仁軌爲盟辭曰。往百濟先王。罔顧逆順。不敦鄰。不睦親。與高麗。倭共侵削新羅。破邑屠城。天子憐百姓無辜。命行人修好。先王負險恃遐。侮慢弗恭。皇赫斯怒。是伐是夷。但興亡繼絕。王者通制。故立前太子隆。爲熊津都督。守其祭祀。附杖新羅。長爲與國。結好除怨。恭天子命。永爲藩服。右威衛將軍魯城縣公仁願。親臨厥盟。有貳其德。與兵動衆。明神監之。百殃是降。子孫不育。社稷無守。世世母敢犯。乃作金書鐵契。藏新羅廟中。仁願等還。隆畏衆攜散。亦歸京師。儀鳳時。進帶方郡王。遣歸藩。是時新羅彊。隆不敢入舊國。寄治高麗死。武后又以其孫敬襲王。而其地已爲新羅。渤海。靺鞨所分。百濟遂絕。

新羅

新羅。弁韓苗裔也。居漢樂浪地。橫千里。縱三千里。東距長人。東南日本。西百濟。南瀕海。北高麗。而王居金城。環八里。所衛兵三千人。謂城爲侵牟羅。邑在內曰喙評。外曰邑勒。有喙評六。邑勒五十二。朝服尙白。好祠山神。八月望日。大宴賚官吏射。其建官以親屬爲上。其族名第一骨。第二骨。以自別。兄弟女。姑姨從姊妹。皆聘爲妻。王族爲第一骨。妻亦其族。生子皆爲第一骨。不娶第二骨女。雖娶常爲妾媵。官有宰相。侍中。司農卿。太府令。凡十有七等。第二骨得爲之。事必與

衆議。號和白。一人異則罷。宰相家不絕祿。奴僮三千人。甲兵牛馬猪稱之。畜牧海中。山須食乃射。息穀米于人。憤不滿庸。爲奴婢。王姓金。貴人姓朴。民無氏有名。食用柳栝若銅瓦。元日相慶。是日拜日月神。男子褐袴。婦長襦。見人必跪。則以手据地爲恭。不粉黛。率美髮以練首。以珠綵飾之。男子翦髮。鬻冒以黑巾。市皆婦女買販。冬則作竈堂中。夏以食置冰上。畜無羊。少驢羸。多馬。馬雖高大。不善行。長人者人類長三丈。鋸牙鉤爪。黑毛覆身。不火食。噬禽獸。或搏人以食。得婦人以治衣服。其國連山數十里。有峽固以鐵闔。號關門。新羅常屯弩士數千守之。初百濟伐高麗。來請救。悉兵往破之。自是相攻不置。後獲百濟王殺之。滋結怨。武德四年。王真平遣使者入朝。高祖詔通直散騎侍郎庾文素持節答賚。後三年。拜柱國。封樂浪郡王。新羅王。貞觀五年。獻女樂二。太宗曰。比林邑獻鸚鵡。言思鄉巧還。況于人乎。付使者歸之。是歲。真平死。無子。立女善德爲王。大臣乙祭柄國。詔贈真平左光祿大夫。賻物段二百。九年。遣使者冊善德襲父封。國人號聖祖皇姑。十七年。爲高麗百濟所攻。使者來乞師。亦會帝親伐高麗。詔率兵以披虜勢。善德使兵五萬。入高麗南鄙。拔水口城以聞。二十一年。善德死。贈

○子、御覽所引唐書作干
○因、冊府作乃、改、冊府作其、制下、冊府有於是二字

○魏、南本作魏

○唐、殿本作光

光祿大夫。而妹真德襲王。明年。遣子文王及弟伊贊子春秋來朝。拜文王左武衛將軍。春秋特進。因請改革服。從中國制。內出珍服賜之。又詣國學。觀釋奠講論。帝賜所製晉書。辭歸。敕三品以上郊餞。高宗永徽元年。攻百濟破之。遣春秋子法敏入朝。真德織錦爲頌。以獻曰。巨唐開洪業。巍巍皇猷昌。止戈成大定。與文繼百王。統天崇雨露。治物體含章。深仁諧日月。撫運邁時康。幡旛旣赫赫。鉦鼓何鏗鏘。外夷違命者。翦覆被天殃。淳風凝幽顯。遐邇競呈祥。四時和玉燭。七耀巡萬方。維嶽降宰輔。維帝任忠良。三五成一德。昭我唐家唐。帝美其意。擢法敏太府卿。五年。真德死。帝爲舉哀。贈開府儀同三司。賜綵段三百。命太常丞張文收持節弔祭。以春秋襲王。明年。百濟高麗。靺鞨共伐取其三十城。使者來請救。帝命蘇定方討之。以春秋爲岨夷道行軍總管。遂平百濟。龍朔元年死。法敏襲王。以其國爲雞林州大都督府。授法敏都督。咸亨五年。納高麗叛衆。略百濟地守之。帝怒。詔削官爵。以其弟右驍衛員外大將軍臨海郡公仁問爲新羅王。自京師歸國。詔劉仁軌爲雞林道大總管。衛尉卿李弼。右領軍大將軍謹行副之。發兵窮討。上元二年二月。仁軌破其衆于七重城。以靺鞨兵浮海。略南境。斬

○二、南本作三

○詞、殿本作辭

獲甚衆。詔李謹行爲安東鎮撫大使。屯買肖城。三戰虜皆北。法敏遣使入朝謝罪。貢篋相望。仁問乃還。辭王。詔復法敏官爵。然多取百濟地。遂抵高麗南境矣。置尙良。康。熊。全。武漢。朔。溟九州。州有都督。統郡十或二十。郡有大守。縣有小守。開耀元年死。子政明襲王。遣使者朝。丐唐禮及它文辭。武后賜吉凶禮。并文詞五十篇。死。子理洪襲王。死。弟興光襲王。玄宗開元中。數入朝。獻果下馬。朝霞紉魚牙紉。海豹皮。又獻二女。帝曰。女皆王姑姊妹。違本俗別所親。朕不忍留。厚賜還之。又遣子弟入太學。學經術。帝間賜興光瑞文錦。五色羅。紫繡紋袍。金銀精器。興光亦上異狗馬黃金美鬚諸物。初渤海靺鞨掠登州。興光擊走之。帝進興光寧海軍大使。使攻靺鞨。二十五年死。帝尤悼之。贈太子太保。命邢璣以鴻臚少卿弔祭。子承慶襲王。詔璣曰。新羅號君子國。知詩書。以卿惇儒。故持節往。宜演經誼。使知大國之盛。又以國人善棋。詔率府兵曹參軍楊季鷹爲副。國高奕皆出其下。于是厚遣使者金寶。俄冊其妻朴爲妃。承慶死。詔使者臨弔。以其弟憲英嗣王。帝在蜀。遣使泝江至成都。朝正月。大曆初。憲英死。子乾運立。甫。卬。遣金隱居入朝待命。詔倉部郎中歸崇敬往弔。監察御史陸瑒。顧愔爲副。冊授之。

○授、原作受、據殿本改

并母金爲太妃。會其宰相爭權相攻。國大亂。三歲乃定。于是歲朝獻。建中四年。死。無子。國人共立宰相金良相嗣。貞元元年。遣戶部郎中蓋墳。持節命之。是年。立良相從父弟敬信襲王。十四年。死。無子。立嫡孫俊鬻。明年。遣司封郎中韋丹持冊。未至。俊鬻死。丹還。子重興立。永貞元年。詔兵部郎中元季方冊命。後三年。使者金力奇來謝。且言往歲冊故主俊鬻爲王。母申太妃。妻淑妃。而俊鬻不幸。冊今留省中。臣請授以歸。又爲其宰相金彥昇。金仲恭王之弟。蘇金添明。巧門戟。詔皆可。凡再朝貢。七年。死。彥昇立。來告喪。命職方員外郎崔廷弔。且命新王。以妻貞爲妃。長慶寶曆間。再遣使者來朝。留宿衛。彥昇死。子景徽立。太和五年。以太子左諭德源寂冊弔如儀。開成初。遣子義琮謝。願留衛見聽。明年遣之。五年。鴻臚寺籍質子及學生歲滿者一百五人。皆還之。有張保臯。鄭年者。皆善鬪戰。工用槍。年復能沒海。履其地五十里不噎。角其勇健。保臯不及也。年以兄呼保臯。保臯以齒。年以藝常不相下。自其國皆來。爲武寧軍小將。後保臯歸新羅。謁其王曰。遍中國以新羅人爲奴婢。願得鎮清海。使賊不得掠人西去。清海。海路之要也。王與保臯萬人守之。自太和後。海上無鬻新羅人者。保臯旣貴于

其國。年飢寒客澠水。一日謂戍主馮元規曰。我欲東歸。乞食于張保臯。元規曰。若與保臯所負何如。奈何取死其手。年曰。飢寒死。不如兵死快。況死故鄉邪。年遂去。至謁保臯。飲之極歡。飲未卒。聞大臣殺其王。國亂無主。保臯分兵五千人與年。持年泣曰。非子不能平禍難。年至其國。誅反者。立王以報。王遂召保臯爲相。以年代守清海。會昌後朝貢不復至。

贊曰。杜牧稱。安思順爲朔方節度時。郭汾陽。李臨淮俱爲牙門都將。二人不相能。雖同盤飲食。常睇相視。不交一言。及汾陽代思順。臨淮欲亡去。計未決。旬日。詔臨淮分汾陽半兵。東出趙魏。臨淮入請曰。一死固甘。乞免妻子。汾陽趨下。持手上堂曰。今國亂主遷。非公不能東伐。豈懷私忿時邪。及別執手涕泣。相勉以忠義。訖平劇盜。實二公之力。知其心不叛。知其心難也。忿必見短。知其材益難也。此保臯與汾陽之賢等耳。年投保臯。必曰彼貴我賤。我降下之。不宜以舊忿殺我。保臯果不殺。人之常情也。臨淮請死于汾陽。亦人之常情也。保臯任年事出于己。年且寒飢。易爲感動。汾陽臨淮平生亢立。臨淮之命出于天子。權于保臯。汾陽爲優。此乃聖賢遲疑成敗之際也。世稱周邵爲百代之師。周公擁孺子

○涕泣、南本殿本作泣涕

○離、南本殿本作壁

而邵公疑之。以周公之聖。邵公之賢。少事文王。老佐武王。能平天下。周公之心。邵公且不知之。苟有仁義之心。不資以明。離邵公尙爾。況其下哉。嗟乎不以怨毒相甚。而先國家之憂。晉有祈奚。唐有汾陽。保臯。孰謂夷無人哉。

日本

日本。古倭奴也。去京師萬四千里。直新羅東南。在海中島而居。東西五月行。南北三月行。國無城郭。聯木爲柵落。以艸茨屋。左右小島五十餘。皆自名國而臣附之。置本率一人。檢察諸部。其俗多女少男。有文字。尙浮屠法。其官十有二等。其王姓阿每氏。自言初主號天御中主。至彥瀲凡三十二世。皆以尊爲號。居筑紫城。彥瀲子神武立。更以天皇爲號。徙治大和州。次曰綏靖。次安寧。次懿德。次孝昭。次天安。次孝靈。次孝元。次開化。次崇神。次垂仁。次景行。次成務。次仲哀。仲哀死。以開化曾孫女神功爲主。次應神。次仁德。次履中。次反正。次允恭。次安康。次雄略。次清寧。次顯宗。次仁賢。次武烈。次繼體。次安閑。次宣化。次欽明。欽明之十一年。直梁承聖元年。次海達。次用明。亦曰目多利思比孤。直隋開皇末。始與中國通。次崇峻。崇峻死。欽明之孫女稚古立。次舒明。次皇極。其俗椎髻。無冠帶。跣以行。幅巾蔽後。貴者冒錦。婦人衣純色。裹長腰襦。結髮于後。至煬帝賜其民

○海、敏之誤

○推、推之誤

○仁表、舊唐書日本書紀作表仁

錦綫冠。飾以金玉。文布爲衣。左右佩銀釵。長八寸。以多少明貴賤。太宗貞觀五年。遣使者入朝。帝矜其遠。詔有司毋拘歲貢。遣新州刺史高仁表往諭。與王爭禮不平。不肯宣天子命而還。久之更附新羅使者上書。永徽初。其王孝德卽位。改元曰白雉。獻虎魄大如斗。碼瑙若五升器。時新羅爲高麗百濟所暴。高宗賜璽書。令出兵援新羅。未幾孝德死。其子天豐財立。死。子天智立。明年。使者與蝦蟇人偕朝。蝦蟇亦居海島中。其使者鬚長四尺許。珥箭于首。令人載瓠。立數十步。射無不中。天智死。子天武立。死。子持持立。咸亨元年。遣使賀平高麗。後稍習夏音。惡倭名。更號日本。使者自言。國近日所出。以爲名。或云日本乃小國。爲倭所并。故冒其號。使者不以情故疑焉。又妄夸其國都方數千里。南西盡海。東北限大山。其外卽毛人云。長安元年。其王文武立。改元曰大寶。遣朝臣真人粟田貢方物。朝臣真人者。猶唐尙書也。冠進德冠。頂有華鬘。四披紫袍。帛帶。真人好學。能屬文。進止有容。武后宴之麟德殿。授司膳卿。還之。文武死。子阿用立。死。子聖武立。改元曰白龜。開元初。粟田復朝。請從諸儒授經。詔四門助教趙玄默卽鴻臚寺爲師。獻大幅布爲贊。悉賞物。質書以歸。其副朝臣仲滿。慕華不肯去。易

○壁、南本殿本作壁
○澤、南本作擇

姓名曰朝衡。歷左補闕。儀王友。多所該識。久乃還。聖武死。女孝明立。改元曰天平勝寶。天寶十二載。朝衡復入朝。上元中。擢左散騎常侍安南都護。新羅梗海道。更繇明越州朝貢。孝明死。大炊立。死。以聖武女高野姬爲王。死。白壁立。建中元年。使者真人與能。獻方物。真人。蓋因官而氏者也。與能善書。其紙似繭而澤。人莫識。貞元末。其王曰桓武。遣使者朝。其學子橘免勢。浮屠空海。願留肄業。歷二十餘年。使者高階真人來。請免勢等俱還。詔可。次諾樂立。次嵯峨。次浮和。次仁明。仁明直開成四年復入貢。次文德。次清和。次陽成。次光孝。直光啓元年。其東海嶼中。又有邪古波邪多尼三小王。北距新羅。西北百濟。西南直越州。有絲絮怪珍云。

僭羅

○大、殿本作大。○上、原作上。據南本殿本改。

龍朔初。有僭羅者。其王儒李都羅。遣使入朝。國居新羅武州南島上。俗朴陋。衣大豕皮。夏居革屋。冬窟室。地生五穀。耕不知用牛。以鐵齒耙土。初附百濟。麟德中。會長來朝。從帝至太山。後附新羅。開元十一年。又有達末婁。達妬二部。首領朝貢。達末婁自言。北扶餘之裔。高麗滅其國。遣人度那河。因居之。或曰他漏河。東北流入黑水。達妬室韋種也。在那河陰凍末河之東。西接黃頭室韋。東北距

達末婁云。

〔唐書〕二百一十九北狄列傳第一百四十四

契丹

○夏、殿本南本作賁

契丹。本東胡種。其先爲匈奴所破。保鮮卑山。魏青龍中。部酋比能稍桀驁。爲幽州刺史王雄所殺。衆遂微。逃潢水之南。黃龍之北。至元魏自號曰契丹。地直京師東北五千里而羸。東距高麗。西奚。南營州。北靺鞨室韋。阻冷陁山以自固。射獵居處無常。其君大賀氏。有勝兵四萬。析八部。臣于突厥。以爲俟斤。凡調發攻戰。則諸部畢會。獵則部得自行。與奚不平。每鬪不利。輒遁。保鮮卑山。風俗與突厥大抵略侔。死不墓。以馬車載尸入山。置於樹顛。子孫死。父母且夕哭。父母死。則否。亦無喪期。武德中。其大酋孫敖曹。與靺鞨長突地稽俱遣人來朝。而君長或小人寇邊。後二年。君長乃遣使者。上名馬豐貂。貞觀二年。摩會來降。突厥頡利可汗。不欲外夷與唐合。乃請以梁師都易契丹。太宗曰。契丹突厥不同類。今已降我。尙可索邪。師都唐編戶。盜我州部。突厥輒爲助。我將禽之。誼不可易降者。明年。摩會復入朝。賜鼓纛。由是有常夏。帝伐高麗。悉發酋長。與奚首領從軍。

唐書 北狄傳(契丹)

一九七

帝還過營州。盡召其長窟哥及老人。差賜繒綵。以窟哥爲左武衛將軍。大會辱紇主曲據。又率衆歸。卽其部爲玄州。拜曲據刺史。隸營州都督府。未幾。窟哥舉部內屬。乃置松漠都督府。以窟哥爲使持節十州諸軍事。松漠都督。封無極男。賜氏李。以達稽部爲峭落州。紇便部爲彈汗州。獨活部爲無逢州。芬間部爲羽陵州。突便部爲日連州。芮奚部爲徒河州。墜斤部爲萬丹州。伏部爲匹黎赤山二州。俱隸松漠府。卽以辱紇主爲之刺史。窟哥死。與奚連叛。行軍總管阿史德樞賓等執松漠都督阿卜固。獻東都。窟哥有二孫。曰枯莫離。爲左衛將軍。彈汗州刺史。封歸順郡王。曰盡忠。爲武衛大將軍。松漠都督。而教曹有孫。曰萬榮。爲歸誠州刺史。於是營州都督趙文翽驕沓。數侵侮其下。盡忠等皆怨望。萬榮本以侍子入朝。知中國險易。挾亂不疑。卽共舉兵殺文翽。盜營州反。盡忠自號無上可汗。以萬榮爲將。縱兵四略。所向輒下。不重決。衆數萬。妄言十萬。攻崇州。執討擊副使許欽寂。武后怒。詔鷹揚將軍曹仁師。金吾大將軍張玄遇。右武威大將軍李多祚。司農少卿麻仁節等二十八將擊之。以梁王武三思爲榆關道安撫大使。納言姚璿爲之副。更號萬榮曰萬斬。盡忠曰盡滅。諸將戰西碛石。黃驪

○下、南本作十

○歸、南本作思

○禽、南本作擒

谷。王師敗績。玄遇。仁節皆爲虜禽。進攻平州。不克。敗書聞。后乃以右武衛大將軍建安王武攸宜爲清邊道大總管。擊契丹。募天下人奴有勇者。官畀主直。悉發以擊虜。萬榮銜枚夜襲檀州。清邊道副總管張九節募死士數百薄戰。萬榮敗而走山。俄而盡忠死。突厥默啜襲破其部。萬榮收散兵復振。使別將駱務整。何阿小入冀州。殺刺史陸寶積。掠數千人。武后聞盡忠死。更詔夏官尙書王孝傑。羽林衛將軍蘇宏暉。率兵十七萬討契丹。戰東碛石。師敗。孝傑死之。萬榮席已勝。遂屠幽州。攸宜遣將討捕。不能克。乃命右金吾衛大將軍河內郡王武懿宗爲神·兵道大總管。右肅政臺御史大夫婁師德爲清邊道大總管。右武威衛大將軍沙吒忠義爲清邊中道前軍總管。兵凡二十萬擊賊。萬榮銳甚。鼓而南。殘瀛州屬縣。恣肆無所憚。於是神·兵道總管楊玄基率奚軍掩其尾。契丹大敗。獲何阿小。降別將李楷固。駱務整。收仗械如積。萬榮委軍走。殘隊復合。與奚搏。奚四面攻乃大潰。萬榮左馳。張九節爲三伏伺之。萬榮窮。與家奴輕騎走。踏河東。憊甚臥林下。奴斬其首。九節傳之東都。餘衆潰。攸宜凱而還。后喜。爲赦天下。改元爲神功。契丹不能立。遂附突厥。久視元年。詔左玉鈐衛大將軍李楷固。右

○兵、殿本作丘、下

武威衛將軍駱務整討契丹破之。此兩人皆虜善將。嘗犯邊。數窘官軍者也。及是有功。開元二年。盡忠從父弟都督失活。以默啜政衰。率部落與頡利發伊健。啜來歸。玄宗賜丹書鐵券。後二年。與奚長李大酺皆來。詔復置松漠府。以失活爲都督。封松漠郡王。授左金吾衛大將軍。仍其府置靜析軍。以失活爲輕略大使。所統八部。皆擢其酋爲刺史。詔將軍薛泰爲押蕃落使。督軍鎮撫。帝以東平王外孫楊元嗣女爲永樂公主。妻失活。明年。失活死。贈特進。帝遣使弔祠。以其弟中郎將娑固襲封及所領。明年。娑固與公主來朝。宴賚有加。有可突于者。爲靜析軍副使。悍勇得衆。娑固欲去之未決。可突于反攻娑固。娑固奔營州。都督許欽澹以州甲五百。合奚君長李大酺兵。共攻可突于。不勝。娑固大酺皆死。欽澹懼。徙軍入榆關。可突于奉娑固從父弟鬱于爲君。遣使者謝罪。有詔卽拜鬱于松漠郡王。而赦可突于。鬱于來朝。授率更令。以宗室所出。女慕容爲燕郡公主。妻之。可突于亦來朝。擢左羽林衛將軍。鬱于死。弟吐于嗣。與可突于有隙。不能定其下。攜公主來奔。封遼陽郡王。留宿衛。可突于奉盡忠弟邵固統衆。詔許襲王。天子封禪。邵固與諸蕃長皆從行在。明年。拜左羽林衛大將軍。徙王廣化

○泰、南本作奉

○使、南本作史○可、
殿本作而

郡。以宗室出。女陳爲東華公主。妻邵固。詔官其部酋長百餘人。邵固以子入侍。可突于復來。不爲宰相。李元紘所禮。鞅鞅去。張說曰。彼獸心者。唯利是向。且方持國。下所附也。不假以禮。不來矣。後三年。可突于殺邵固。立屈烈爲王。脅奚衆共降突厥。公主走平盧軍。詔幽州長史知范陽節度事趙含章擊之。遣中書舍人裴寬給事中薛偁。大募壯士。拜忠王浚。河北道行軍元帥。以御史大夫李朝隱。京兆尹裴伯先副之。帥程伯獻。張文儼。宋之悌。李東蒙。趙萬功。郭英傑等八總管兵擊契丹。旣又以忠王兼河東道諸軍元帥。王不行。以禮部尙書信安郡王祿持節河北道行軍副元帥。與含章出塞捕虜。大破之。可突于走。奚衆降。王以二蕃俘給告諸廟。明年。可突于盜邊。幽州長史薛楚王副總管郭英傑。吳克勤。烏知義。羅守忠。率萬騎及奚擊之。戰都山下。可突于以突厥兵來。奚懼。持兩端。衆走險。知義守忠敗。英傑克勤死之。殺唐兵萬人。帝擢張守珪爲幽州長史。經略之。守珪旣善將。可突于恐。陽請臣而稍趨西北。倚突厥。其衛官李過折與可突于內不平。守珪使客王悔陰邀之。以兵圍可突于。過折卽夜斬可突于。屈烈及支黨數十人。自歸守珪。使過折統其部。函可突于等首傳東都。拜過折北

○給、南本殿本作殺

平郡王。爲松漠都督。可突于殘黨擊殺過折。屠其家。一子刺乾走安東。拜左驍衛將軍。二十五年。守珪討契丹。再破之。有詔。自今戰有功。必告廟。天寶四載。契丹大會李懷秀降。拜松漠都督。封崇順王。以宗室出女。獨孤爲靜樂公主。妻之。是歲。殺公主。叛去。范陽節度使安祿山討破之。更封其酋楷洛爲恭仁王。代松漠都督。祿山方幸。表討契丹。以向帝意。發幽州雲中平盧河東兵十餘萬。以奚爲鄉導。大戰潢水南。祿山敗。死者數千。自是祿山與相侵掠。未嘗解。至其反。乃已。契丹在開元天寶間。使朝獻者無慮二十。故事。以范陽節度爲押奚契丹使。自至德後。藩鎮擅地務。自安障戍。斥候益謹。不生事于邊。奚契丹亦鮮入寇。歲選酋豪數十。入長安朝會。每引見。賜與有秩。其下率數百。皆駐館幽州。至德。寶應時。再朝獻。大曆中十三。貞元間三。元和中七。大和開成間凡四。然天子惡其外附回鶻。不復官爵。渠長會昌二年。回鶻破契丹。酋屈戍始復內附。拜雲麾將軍。守右武衛將軍。於是幽州節度使張仲武爲易回鶻所與舊印。賜唐新印。曰奉國契丹之印。咸通中。其王習爾之再遣使者入朝。部落遼彊。習爾之死。族人欽德嗣。光啓時。方天下盜興。北疆多故。乃鈔奚室韋小小部種。皆服役之。因入

○內。南本作人

黑水靺鞨

寇幽薊。劉仁恭窮師踰摘星山討之。歲燎塞下草。使不得留。牧馬多死。契丹乃乞盟。獻良馬求牧地。仁恭許之。復敗約入寇。劉守光戍平州。契丹以萬騎入。守光僞與和。帳飲具于野。伏發禽其大將。羣胡慟。願納馬五千以贖。不許。欽德輸重賂求之。乃與盟。十年不敢近邊。欽德晚節政不競。其八部大人。法常三歲代。時耶律阿保機建鼓旗爲一部。不肯代。自號爲王而有國。大賀氏遂亡。

黑水靺鞨。居肅慎地。亦曰挹婁。元魏時曰勿吉。直京師東北六千里。東瀕海。西屬突厥。南高麗。北室韋。離爲數十部。酋各自治。其著者曰粟末部。居最南。抵太白山。亦曰徒太山。與高麗接。依粟末水以居。水源於山西北。注它漏河。稍東北。曰汨咄部。又次曰安居骨部。益東曰拂涅部。居骨之西北。曰黑水部。粟末之東。曰白山部。部間遠者三四百里。近二百里。白山本臣高麗。王師取平壤。其衆多入唐。汨咄安居骨等皆奔散。遼微無聞焉。遣人迸入渤海。唯黑水完彊。分十六落。以南北稱。蓋其居最北方者也。人勁健善步戰。常能患它。俗編髮。綴野豕牙。挿雉尾爲冠飾。自別於諸部。性忍悍善射獵。無憂戚。貴壯賤老。居無室廬。負山水坎地。梁木其上。覆以土。如丘冢然。夏出隨水草。冬入處。以溺盥面。於夷狄最

○宅下。南本殿不有部字

濁穢。死者埋之。無棺槨。殺所乘馬以祭。其酋曰大莫拂瞞咄。世相承爲長。無書契。其矢石鏃。長二寸。蓋桔橈遺法。畜多豕。無牛羊。有車馬。田耦以耕。車則步推。有粟麥。土多貂鼠白兔白鷹。有鹽泉氣蒸薄。鹽凝樹顛。武德五年。渠長阿固郎始來。太宗貞觀二年。乃臣附。所獻有常。以其地爲燕州。帝伐高麗。其北部反。與高麗合。高惠真等率衆援安市。每戰靺鞨常居前。帝破安市。執惠真。收靺鞨兵三千餘。悉坑之。開元十年。其酋倪屬利稽來朝。玄宗卽拜勃利州刺史。於是安東都護薛泰請置黑水府。以部長爲都督刺史。朝廷爲置長史監之。賜府都督。姓李氏。名曰獻誠。以雲麾將軍領黑水經略使。隸幽州都督。訖帝世朝獻者十五。大曆世凡七。貞元一來。元和中再。初黑水西北又有思慕部。益北行十日。得郡利部。東北行十日。得窟說部。亦號屈說。稍東南行十日。得莫曳皆部。又有拂涅。虞婁。越喜。鐵利等部。其地南距渤海。北東際於海。西抵室韋。南北袤二千里。東西千里。拂涅。鐵利。虞婁。越喜時時通中國。而郡利。屈說。莫曳皆不能自通。今存其朝京師者。附左方。拂涅亦稱大拂涅。開元天寶間。入來獻鯨睛貂鼠白兔皮。鐵利開元中六來。越喜七來。正元中一來。虞婁貞觀間再來。貞元一來。後渤

○說、下文作股

○涅、股本作涅、下同

○裘、南本作裘

○越喜七來、四字股本無

渤海

海盛。靺鞨皆役屬之。不復與王會矣。

○兵、南本作共

渤海。本粟末靺鞨附高麗者。姓大氏。高麗滅。率衆保挹婁之東牟山。地直營州東二千里。南北新羅。以泥河爲境。東窮海。西契丹。築城郭以居。高麗遺殘。稍歸之。萬歲通天中。契丹盡忠殺營州都督趙翻反。有舍利乞乞仲象者。與靺鞨酋乞四比羽及高麗餘種東走。度遼水。保太白山之東北。阻奧婁河。樹壁自固。武后封乞四比羽爲許國公。乞乞仲象爲震國公。赦其罪。比羽不受命。后詔玉鈐衛大將軍李楷固。中郎將索仇擊斬之。是時仲象已死。其子祚榮引殘彘遁去。楷固窮躡。度天門嶺。祚榮因高麗靺鞨兵拒楷固。楷固敗還。於是契丹附突厥。王師道絕。不克討。祚榮卽并比羽之衆。恃荒遠。乃建國自號震國王。遣使交突厥。地方五千里。戶十餘萬。勝兵數萬。頗知書契。盡得扶餘。沃沮。弁韓。朝鮮。海北諸國。中宗時。使侍御史張行岌招慰。祚榮遣子入侍。睿宗先天中。遣使拜祚榮爲左驍衛大將軍渤海郡王。以所統爲忽汗州。領忽汗州都督。自是始去靺鞨號。專稱渤海。玄宗開元七年。祚榮死。其國私諡爲高王。子武藝立。斥大土宇。東北諸夷畏臣之。私改年曰仁安。帝賜典冊。襲王并所領。未幾黑水靺鞨使者入

朝帝以其地建黑水州。置長史臨總。武藝召其下謀曰。黑水始假道於我。與唐通。異時請吐屯於突厥。皆先告我。今請唐官。不吾告。是必與唐腹背攻我也。乃遣弟門藝及舅任雅相。發兵擊黑水。門藝嘗質京師。知利害。謂武藝曰。黑水請吏而我擊之。是背唐也。唐大國。兵萬倍我。與之產怨。我且亡。昔高麗盛時。士三十萬。抗唐爲敵。可謂雄彊。唐兵一臨。掃地盡矣。今我衆比高麗三之一。王將違之。不可。武藝不從。兵至境。又以書固諫。武藝怒。遣從兄壹夏代將。召門藝將殺之。門藝懼。僞路自歸。詔拜左驍衛將軍。武藝使使暴門藝罪惡。請誅之。有詔處之安西。好報曰。門藝窮來歸我。誼不可殺。已投之惡地。并留使者。不遣。別詔鴻臚少卿李道邃。源復諭旨。武藝知之。上書斥言。陛下不當以妄示天下。意必殺門藝。帝怒。道邃復漏言國事。皆左除而陽斥門藝以報。後十年。武藝遣大將張文休。率海賊攻登州。帝馳遣門藝。發幽州兵擊之。使太僕卿金思蘭使新羅。督兵攻其南。會大寒。雪袤丈。士凍死過半。無功而還。武藝望其弟不已。募客入東都。徂刺於道。門藝格之得不死。河南捕刺客悉殺之。武藝死。其國私諡武王子。欽茂立。改年大興。有詔嗣王及所領。欽茂因是赦境內。天寶末。欽茂徙上京。直

○不。原無。據殿本南本補

○僕。殿本作常

○徂。殿本作徂。南本作往

○年。殿本南本作來

舊國三百里。忽汗河之東。訖帝世。朝獻者二十九。寶應元年。詔以渤海爲國。欽茂王之。進檢校太尉。大曆中。二十五年。以日本舞女十一獻諸朝。貞元時。東南徙東京。欽茂死。私諡文王。子宏臨早死。族弟元義立。一歲猜虐。國人殺之。推宏臨子華璵爲王。復還上京。改年中興。死。諡曰成王。欽茂少子嵩鄰立。改年正歷。有諡授右驍衛大將軍嗣王。建中。貞元間。凡四來。死。諡康王。子元瑜立。改年永德。死。諡定王。弟言義立。改年朱雀。竝襲王如故事。死。諡僖王。弟明忠立。改年太始。立一歲死。諡簡王。從父仁秀立。改年建興。其四世祖野勃。祚榮弟也。仁秀頗能討伐海北諸部。開大境。宇有功。詔檢校司空襲王。元和中。凡十六朝獻。長慶四。寶曆凡再。大和四年。仁秀死。諡宣王。子新德蚤死。孫彝震立。改年咸和。明年。詔襲爵。終文宗世。來朝十二。會昌凡四。彝震死。弟虔晃立。死。玄錫立。咸通時。三朝獻。初。其王數遣諸生詣京師太學。習識古今制度。至是。遂爲海東盛國。地有五京。十五府。六十二州。以肅慎故地爲上京。曰龍井府。領龍湖渤三州。其南爲中京。曰顯德府。領盧顯鐵湯榮興六州。獺豹故地爲東京。曰龍原府。亦曰柵城府。領慶鹽穆賀四州。沃沮故地爲南京。曰南海府。領沃晴椒三州。高麗故地爲

○如。原作加。據殿本改

○井。殿本南本作泉

○退、殿本作涇

○元、殿本南本作遠

○圭、南本作王

○右、原無、據南本殿本補

○一、殿本作二

西京曰鴨渌府。領神桓豐正四州。曰長嶺府。領瑕河二州。扶餘故地為扶餘府。常屯勁兵。扞契丹。領扶仙二州。鄭頡府。領鄭高二州。挹婁故地為定理府。領定潘二州。安邊府。領安瓊二州。率賓故地為率賓府。領華益建三州。拂涅故地為東平府。領伊蒙沱黑比五州。鐵利故地為鐵利府。領廣汾蒲海義歸六州。越喜故地為懷遠府。領達越懷紀富美福邪芝九州。安元府。領寧鄯慕常四州。又鄧銅涑三州為獨奏州。涑州以其近涑沫江。蓋所謂粟末水也。龍原東南瀕海日本道也。南海新羅道也。鴨渌朝貢道也。長嶺營州道也。扶餘契丹道也。俗謂王曰可毒夫。曰聖主。曰基下。其命為教。王之父曰老王。母太妃。妻貴妃。長子曰副王。諸子曰王子。官有宣詔省。左相左平章事。侍中。左常侍。諫議。居之中臺省。右相右平章事。內史。詔誥舍人居之。政堂省。大內相一人。居左右相上。左右司政各一。居左右平章事之下。以比僕射。左右允。比二丞。左六司。忠仁。義部。各一。卿。居司政下。支司。爵。倉。膳部。部有郎中。員外。右六司。智禮。信部。支司。戎。計。水部。卿。郎。準左。以比六官。中正臺。大中正一。比御史大夫。居司政下。少正一。又有殿中寺。宗屬寺。有大令。文籍院。有監令。監皆有少。太常。司賓。大農寺。寺有卿。司藏。司

○屈、殿本作局

○麟、殿本作總○舟、殿本南本作州

○魏、南本作黎

○遠、南本作待

○戊、殿本南本作威

膳寺。寺有令。丞。胄子監。有監長。巷伯局。有常侍等官。其武員有左右猛賁。熊衛。熊衛。南左右衛。北左右衛。各大將軍一。將軍一。大抵憲象中國制度如此。以品為秩。三秩以上。服紫牙笏金魚。五秩以上。服緋牙笏銀魚。六秩。七秩。淺緋衣。八秩。綠衣。皆木笏。俗所貴者曰太白山之菟。南海之昆布。柵城之豉。扶餘之鹿。鄭頡之豕。率賓之馬。顯州之布。沃州之絲。龍舟之紬。位城之鐵。盧城之稻。涓沱湖之鮒。果有九都之李。樂游之梨。餘俗與高麗。契丹略等。幽州節度府與相聘問。自營平距京師蓋八千里而遠。後朝貢至否。史家失傳。故叛附無考焉。

贊曰。唐之德大矣。際天所覆。悉臣而屬之。薄海內外。無不州縣。遂尊天子曰天可汗。三王以來。未有以過之。至荒區君長。待唐璽纛。乃能國。一為不賓。隨輒夷縛。故蠻琛夷寶。踵相逮于廷。極熾而衰。厥禍內移。天寶之後。區夏痍破。王官之。戊。北不踰河。西止秦邠。凌夷百年。逮於亡。顧不痛哉。故曰治己治人。惟聖人能之。

朝鮮

朝鮮

朝鮮。晉張華曰。朝鮮有泉水。洌水。汕水。三水合爲洌水。疑樂浪。朝鮮取名於此也。汕所晏反。周封殷之太師之國。太師教以禮義。田蠶。作八條之教。無門戶之閉。而人不爲盜。其後四十餘代。至戰國時。朝鮮侯亦僭稱王。始全燕時。嘗略屬焉。爲置吏築障塞。秦滅燕。屬遼東外徼。秦遼東郡。今安東府地。及秦亂。中國人往避地者數萬口。漢興爲其遠難守。復脩遼東故塞。至涓水爲界。涓音滂。涓屬燕。王盧縮反。入匈奴。燕人衛滿亡命。聚黨千餘人。魑結回魑反。杜蠻夷服而東走出塞。度涓水擊破朝鮮王準。居秦故空地上。下障。稍役屬真蕃。朝鮮諸夷。及故燕齊亡命者。王之。都王險。在涓水之東。會孝惠高后時。天下初定。遼東太守卽約滿爲外臣。保塞外。以故滿得兵威財物。侵降其旁小邑。真蕃臨屯。皆來服屬。地方數千里。傳子至孫。右渠。所誘漢亡人滋多。武帝元封三年。遣樓船將軍楊僕。從齊浮渤海。兵五萬。左將軍荀彘出遼東討之。朝鮮人相與殺王右渠來降。遂以朝鮮爲真蕃。臨屯。樂浪。音玄菟。四郡。今悉爲東夷之地。昭帝時。罷臨屯。真蕃。以并樂浪。玄菟。自內屬以後。風俗稍薄。法禁亦寔多。至於六十餘條。

濊

濊

濊。亦朝鮮之地。南與辰韓。北與高句麗。盧溪沃沮接。東窮大海。西至樂浪。後漢光武帝元封中。其渠帥爲縣侯。皆歲時朝賀。無大君長。自漢以來。其官有侯邑君三老。統主下戶。其耆舊自謂。與高麗同種。言語法俗大抵相類。其人性謹愿。少嗜慾。有廉耻。男女衣皆著曲領。男子繫銀花。廣數寸。以爲飾。其俗重山川。山川各有部分。不得輒相干涉。同性不婚。多所忌諱。疾病死亡。卽棄舊宅。更作新居。知種麻。養蠶。綿布。曉候星宿。先知年歲豐約。不以珠玉爲寶。又祭虎以爲神。其邑落有侵犯者。輒相罰責。生口牛馬。名之爲責禍。少寇盜。作矛長三丈。或數人共持之。能步戰。樂浪擅弓出其地。又多文豹。有果下馬。高三尺。乘之可於果樹下行也。其海出班魚皮。漢時常獻之。魏齊王正始六年。不耐濊侯等舉邑降。四時詣樂浪。帶方二郡朝謁。並今東夷之地。有軍征賦調。如中華人焉。

馬韓

馬韓

馬韓。後漢時通焉。有三種。一曰馬韓。二曰辰韓。三曰弁辰。馬韓在西。五十有四國。其北與樂浪。南與倭接。辰韓在東。十有二國。其北與濊。緬接。弁辰在辰韓之南。亦十有二國。其南亦與倭接。凡七十八國。或云百濟是其一國焉。大者萬餘

戶。小者數千家。各在山海間。地各方四千餘里。東西以海為限。皆古之辰國也。馬韓最大。共立其種為辰王。都目支國。盡王三韓之地。其諸國王先。皆是馬韓種人焉。馬韓人知田蠶。作綿布。出大栗如梨。又出細尾雞。其尾皆長五尺餘。邑落雜居。亦無城郭。作草屋土室。形如冢。開戶在上。不知跪拜。無長幼男女之別。少綱紀。國邑雖有主帥。不能相制御。其葬有棺無槨。不知騎乘牛馬。牛馬盡於送死。不貴金寶錦罽。唯重瓔珠。以綴衣為飾。及懸頸垂耳。大率皆魁頭露紒魁頭猶科頭也。謂以髮繫。連成科結也。紒音計。布袍草履。其人壯勇少年。有築室作力者。輒以繩貫脊皮。縋以大木。唯呼為健。健音喚。善用弓楯矛楯。雖有鬪諍攻戰。而貴相屈服。俗信鬼神。常以五月耕種畢。晝夜酒會。群聚歌舞。數十人俱起相隨。踏地低昂。手足相應為節。十月農功畢。亦復如之。諸國邑各以一人主祭天神。號為天君。又立蘇塗蘇塗有似浮塗。建大木以懸鈴鼓。事鬼神。其南界近倭。亦有文身者。又有州胡。在馬韓之西海中。大島上。其人差短小。言語不與韓同。皆髡頭如鮮卑。但衣韋衣。有上無下。略如裸勢。養牛豕。乘船往來。貨市韓中。

辰韓

辰韓

辰韓。耆老自言。秦之亡人。避苦役。來適韓國。馬韓割其東界地與之。有城柵。其言語有類秦人。由是或謂之為秦韓。其王常用馬韓人作之。世世相係襲。辰韓不得自立為王。明其為流移之人故也。其名國為邦。弓為弧。賊為寇。行酒為行觴。相呼皆為徒。諸小邑各有渠帥。大者名臣智。次有險側。次有樊濊。次有殺奚。次有邑借。皆其官名。土地肥美。宜五穀。知蠶桑。作縑布。乘駕牛馬。嫁娶以禮。其俗男女有別。以大鳥羽送死。其意欲使死者飛揚。國出鐵。韓濊倭皆從取之。諸市買皆用鐵。如中國用錢。又以供給二郡。俗喜歌舞。飲酒鼓琴瑟。其瑟形似筑。彈之亦有音曲。兒生便以石厭其頭。欲其扁。故辰韓人皆扁頭。扁音扁。男女近倭。亦文身。便步戰。兵杖與馬韓同。其俗行者相逢。皆住讓路。

弁韓

弁韓

弁韓。與辰韓雜居。亦有城郭。衣服居處與辰韓同。言語風俗相似。祠祭鬼神有異。施竈皆在戶西。初朝鮮王準。為衛滿所破。乃將其餘衆數千人走入海。攻馬韓破之。自立為韓王。準後滅絕。馬韓人自立為辰王。後漢光武建武中。韓人廉斯人蘇馬謚等詣樂浪貢獻。謚音是。帝封蘇馬謚為漢廉斯邑君。使屬樂浪郡。四

時朝謁。靈帝末，韓濊竝盛，郡縣不能制，百姓苦亂，多流亡入韓者。獻帝建安中，公孫康分屯有鹽縣。也。有鹽，漢遼東屬縣。竝今東夷之地。以南荒地為帶方郡。遣公孫模、張敞等收集遺民，興兵伐韓濊，舊民稍出。是後倭韓遂屬帶方。魏景初中，明帝密遣帶方太守劉昕、樂浪太守鮮于嗣、越海定二郡。諸韓國臣智加賜邑君印綬，其次與邑長，其俗好衣幘，下戶詣郡朝謁，皆假衣幘，自服印綬衣幘，千有餘人。部從事吳林以樂浪本統韓國，分割辰韓八國，以與樂浪。晉武帝咸寧中，馬韓王來朝，自後無聞。三韓蓋為百濟、新羅所吞并。

百濟

百濟，即後漢末夫餘王尉仇台之後。後魏時，百濟王上表云：臣與高麗先出夫餘。初以百家濟海，因號百濟。晉時句麗既略有遼東，百濟亦據有遼西、晉平二郡。今柳城北平之間。自晉以後，吞并諸國，據有馬韓故地。其國東西四百里，南北九百里，南接新羅，北拒高麗，千餘里。西限大海，處小海之南。國西南海中有三島，出黃漆樹，似小檉樹而大。六月取汁漆器物，若黃金，其光奪目。自晉代受蕃爵，自置百濟郡。義熙中，以百濟王夫餘臚佗為使持節百濟諸軍事，宋齊竝遣使朝貢，授官封，其人土著地。

百濟

○有鹽、漢志也無○

○事、隋書北史作平

多下濕，率皆山居。其都理建居拔城，王號於羅瑕，百姓呼為韃吉支。韃，音夏言。乾。竝王也。王妻號於陸，夏言妃也。官有十六品：左率一品，達率二品，恩率三品，德率四品，扞率五品，奈率六品。以上冠飾銀花，將德七品，紫帶，施德八品，皂帶，固德九品，赤帶，季德十品，青帶，對德十一品，文督十二品，皆黃帶，武督十三品，佐軍十四品，振武十五品，克虞十六品，皆白帶。統兵以達率、德率、扞率為之。人庶及餘小城，咸分隸焉。其衣服男子略同於高麗，拜謁之禮，以兩手據地為敬。婦人衣似袍而袖微大。在室者編髮盤於首，後垂一道為飾。出婦者乃分為兩道焉。兵有弓箭刀稍，俗重騎射，兼愛墳史。其秀異者頗解屬文，又解陰陽五行。用宋元嘉曆，以建寅月為歲首，亦解醫藥，卜筮占相之術，有投壺擲蒲等雜戲。然尤尚奕碁，僧尼寺塔甚多，而無道士。賦稅以布絹麻米等，婚娶之禮略同華俗。父母及夫死者，三年持服。餘親則塋訖除之。氣候溫暖，五穀雜果菜蔬及酒醴備饌樂器之屬，多同於內地。唯無駝騾驢羊鵝鴨等云。其王以四仲之月祭天，又每祭歲四祠，其始祖仇台之廟，大姓有八族：沙氏、燕氏、勃氏、勃，音狹。解氏、真氏、國氏、木氏、苜氏。苜，音白。國西南人島居者十五所，皆有城邑。後魏孝文遣衆征破之。

後其王牟太為高句麗所破。衰弱累年。遷居南韓地。隋文開皇初。其王夫餘昌遣使貢方物。拜為帶方郡公百濟王。大唐武德貞觀中。頻遣使朝貢。顯慶五年。遣蘇定方討平之。舊有五部。分統三十七郡。二百城。七十六萬戶。至是以其地分置熊津。馬韓。東明等五都督府。仍以其會渠為都督府刺史。其舊地沒於新羅。城傍餘衆。後漸寡弱。散投突厥及靺鞨。其主夫餘崇。竟不敢還舊國。土地盡沒於新羅。靺鞨。夫餘氏君長遂絕。

新羅

新羅國。魏時新盧國焉。其先本辰韓種也。辰韓始有六國。稍分為十二。新羅則其一也。初曰新盧。宋時曰新羅。或曰斯羅。其國在百濟東南五百餘里。亦在高麗東南。兼有漢時樂浪郡之北。東濱大海。魏將毋丘儉討高麗破之。奔沃沮。其後復歸故國。留者遂為新羅焉。故其人雜有華夏。高麗。百濟之屬。兼有沃沮。不耐韓濊之地。其王本百濟人。自海逃入新羅。遂王其國。其國小不能自通使聘。符堅時。其王樓寒遣使衛頭朝貢。堅曰。卿言海東之事。與古不同何也。答曰。亦猶中國時代變革。名號改易。今焉得同。梁武帝普通二年。王姓慕名秦。始使人隨百濟獻方物。其俗呼城曰健牟羅。其

新羅

○北、恐地之誤

邑在內曰喙評。喙呼反。在外曰邑勒。亦中國之言郡縣也。國有六喙評。五十二邑。

勒。土地肥美。宜植五穀。多桑麻。果菜鳥獸物產與華同。至隋文帝時。遣使來貢。

其王姓金名真平。隋東蕃風俗記云。金姓。其王至今亦姓。其王至今亦姓。其王至今亦姓。文帝拜為樂浪郡公新羅王。其王至今亦姓。其王至今亦姓。

云姓。其王至今亦姓。其王至今亦姓。其先附屬於百濟。後因百濟征高麗。人不堪戎役。相率歸之。遂致

強盛。因襲加羅任那諸國滅之。並三韓之地。其西北界犬牙出高麗百濟之間。官有

十六等。其一曰伊罰干。貴如相。次伊尺干。次迎干。次破彌干。次大河尺干。次河

尺干。次乙吉干。次沙咄干。咄都反。次及伏干。次大奈摩。次大舍。次小舍。次吉。次大

烏。次小烏。次達位。外有郡縣。文字甲兵同於中國。選人壯健者。悉入軍。峯戍邏

郎佐。俱有屯營。風俗刑政衣服略與高麗百濟同。○大唐貞觀二十二年。其王

金春秋來朝。拜為特進。請改章服以從華制。

倭

倭。自後漢通焉。在帶方東南大海中。依山島為居。凡百餘國。光武中元二年。倭奴國奉朝貢。賀使人自稱大夫。倭國之極南界也。安帝永初元年。倭面土地王師升等獻生口。桓靈間倭國大亂。更相攻伐。歷年無主。有一女子。名曰卑彌呼。

○語，原在入字下，據後漢書文獻通考改

○臺與，魏志作臺與，梁書作臺與

年長不嫁。事鬼道。能以妖惑衆。於是共立爲王。侍婢千人。少有見者。唯有男子一人。給飲食。傳辭語。出入居處宮室樓觀城柵嚴設。常有人持兵守衛。魏明帝景初二年。司馬宣王之平公孫氏也。倭女王始遣大夫。詣京都貢獻。魏以爲親魏倭王。假金印紫綬。齊王正始中。卑彌呼死。立其宗女臺興爲王。魏略云。倭人自謂太伯之後。其後復立男王。竝受中國爵命。晉武帝太始初。遣使重譯入貢。宋武帝永初二年。倭王讚脩貢職。至會孫武。順帝昇明二年。遣使上表曰。封國偏遠。作藩于外。自昔祖禰躬擐甲冑。跋涉山川。不遑寧處。東征毛人。五十五國。西服衆夷。六十六國。渡平海北。九十五國。臣雖下愚。忝胤先緒。驅率所統。歸宗天極。道遙百濟。裝舩理舫。而句麗無道。圖欲見吞。虔劉不已。每致稽滯。臣欲練甲理兵。摧此強敵。尅靖方難。無替前功。竊自假開府儀同三司。其餘咸各假授。詔除武使持節安東大將軍倭王。其王理邪馬臺國。或云邪摩堆。去遼東萬二千里。在百濟新羅東南。其國界東西五月行。南北三月行。各至於海。大較在會稽閩川之東。亦與朱崖儋耳相近。其國土俗宜禾稻麻苧蠶桑。知織績。爲繡布。出白珠青玉。其山出銅。有丹。土氣溫暖。冬夏生菜茹。無牛馬虎豹羊。有薑桂橘椒薑荷。不知以爲滋

○下，原作下，據文獻通考改

味。出黑雉。有獸如牛。名山鼠。又有大虵。吞此獸。虵皮堅不可斫。其上孔乍開乍閉。時或有光射中之。虵則死。其兵有矛楯木弓竹矢。或以骨爲鏃。男子皆黥面文身。自謂太伯之後。衣皆橫幅結束。相連無縫。女人被髮屈紉。作衣如單被。穿其中央。貫頭而著之。竝以丹朱塗其身。如中國之用粉也。有城柵屋室。父母兄弟異處。唯會同男女無別。飲食以手而用籩豆。俗皆徒跣。以蹲踞爲恭敬。人唯嗜酒。多壽考。國多女。大人皆有四五妻。其餘或兩或三。女人不姪不妬。又俗不盜竊。少爭訟。其婚嫁不娶同姓。婦入夫家。必先跨火。乃與夫相見。其死停喪十餘日。家人哭泣。不進酒食肉。親賓就屍歌舞爲樂。有棺無槨。封土作冢。舉大事灼骨以卜。用決吉凶。其行來渡海詣中國。常使一人不櫛沐。不食肉。不近婦人。名曰持衰。若在塗吉利。則共顧其財物。若有疾病遭暴害。以爲持衰不謹。便欲殺之。官有十二等。一曰大德。次小德。次大仁。次小仁。次大義。次小義。次大禮。次小禮。次大智。次小智。次大信。次小信。員無定數。有軍尼百二十人。猶中國牧宰。八十戶置一伊尼翼。如里長也。十伊尼翼屬一軍尼。其王以天爲兄。以日爲弟。尤信巫覡。每至正月一日。必射戲飲酒。節略與華同。樂有五絃琴笛。好棊握槊。

○日、隋書北史作字

○清士、隋書北史有世字

○按、原作岐、據舊唐書改

擄蒲之戲。隋文帝開皇二十年。倭王姓阿每。名目多利思比孤。其國號阿輩雞彌。華言天兒也。遣使詣闕。其書曰。日出處天子。致書日沒處天子。無恙云云。帝覽之不悅。謂鴻臚卿曰。蠻夷書有無禮者。勿復以聞。明年。帝遣文林郎裴清使於倭國。渡百濟東至一支國。又至竹斯國。又東至秦王國。其人同於華夏。以為夷洲。疑不能明也。又經十餘國。達於海岸。自竹斯以東。皆附庸於倭。清將至。王遣小德阿輩臺。從數百人。設儀仗。鳴鼓角來迎。又遣大禮歌多毘。從二百餘騎。郊勞。既至彼都。其王與清相見。設燕享以遣。復令使者。隨清來貢方物。其國跣足。以幅布蔽其前後。椎髻無冠帶。隋煬帝時。始賜與衣冠。今以綵錦為冠飾。裳皆施襪。綴以金玉。衣服之地頗同新羅。○大唐貞觀五年。遣新州刺史高仁表。持節撫之。浮海數月方至。仁表無綬遠之才。與其王爭禮。不宣朝命而還。由是遂絕。又千餘里至侏儒國。人長三四尺。自侏儒東南行。船行一年。至裸國。黑齒國。使驛所傳。極於此矣。倭一名日本。自云國在日邊。故以為稱。武太后長安二年。遣其大臣朝臣真人貢方物。真人者。猶中國地官尚書也。頗讀經史。解屬文。首冠進德冠。其頂百花分而四散。身服紫袍。以帛為腰帶。容止溫雅。朝廷異

之。拜為司膳員外郎。天寶末。衛尉小卿朝衡。即其國人。

夫餘

夫餘國。後漢通焉。初北夷橐離國王。按後漢魏二史。皆云夫餘國在高句麗北。又按後魏高句麗出於高句麗國王子東明之後也。又謂橐離國即高麗國。乃夫餘國當在高句麗之南矣。若詳考諸家所說。疑橐離在夫餘之北。別是一國。然未詳孰是。有子曰東明。長而善射。王忌其猛而欲殺之。東明奔走。南渡掩淪水。因至夫餘而王之。順帝永和初。其王始來朝。帝作黃門鼓吹角抵戲。以遣之。夫餘本屬玄菟。至漢末公孫度雄張海東。威服外夷。其王始死。子尉仇台立。更屬遼東。時句麗。鮮卑。強。度以夫餘在二虜之間。妻以宗女。至孫位居嗣立。正始中。幽州刺史毋丘儉將兵討句麗。遣玄菟太守王頌。晉書詣夫餘。位居遣大加郊迎。供軍糧。自後漢時。夫餘王堊用玉匣。常先以付玄菟郡。王死則迎取以葬。及公孫淵伏誅。玄菟庫猶得玉匣一具。晉時夫餘庫有玉璧珪瓚。數代之物。傳以為寶。耆老言。先代之所賜也。其印文言濊主之印。國有故城。名濊城。蓋本濊貊之地。其國在長城之北。去玄菟千里。南與高句麗。東與挹婁。西與鮮卑接。北有弱水。地可方二千里。有戶八萬。土宜五穀。不生五果。有宮室倉庫牢獄。多山陵廣澤。其人性強勇謹厚。不

夫餘

○王、原作正、據魏志改

○主、魏志作王

○寇、原作寇、據魏志改

通典 邊防門東夷(夫餘)

二二四

寇鈔以六畜名官。有馬加牛加猪加狗加犬使。犬使者使者。邑落有豪民名。下戶皆為奴僕。諸加別主四出道。大者數千家。小者數百家。會同拜爵。揖讓升降。有似中國。以臘月祭天。譯人傳辭。皆跪手據地竊語。用刑嚴急。殺人者死。沒其家人為奴婢。竊盜一責十二。男女淫。婦人妬。皆殺之。兄死妻嫂。與北狄同俗。出名馬赤玉美珠。大者如酸棗。以弓矢刀矛為兵。家家自有鎧仗。作城柵皆圓。有似牢獄。行人無晝夜好歌吟。連日聲不絕。有軍事亦祭天。殺牛觀蹄。以占吉凶。蹄解者為凶。合者為吉。有敵諸加自戰。下戶但擔糧食之。食音其其死夏月皆用水。殺人殉葬。多者百數。厚葬。有棺無槨。其居喪男女皆從白。婦人着布。面衣。去環珮。大體與中國髣髴。至太康六年。為慕容廆所襲破。廆呼其王依慮自殺。子弟走保沃沮。武帝以何龜為護東夷校尉。明年。夫餘後王依羅遣使詣龜。求率見人還復舊國。龜遣督郵賈沉。以兵送之。爾後每為廆掠。其種人賣於中國。帝又以官物贖還。禁市夫餘之口。自後無聞。

〔通典〕卷第一百八

十六邊防二

東夷下 高句麗 東沃沮七余反 挹婁 勿吉又曰靺鞨

○從、宋本作翻

高句麗 補○為、原無、據宋本

高句麗

高句麗。後漢朝貢云。本出於夫餘。先祖朱蒙。朱蒙母河伯女為夫餘王妻。為日所照。遂有孕而生。及長名曰朱蒙。俗言善射也。國人欲殺之。朱蒙棄夫餘。東南走渡普述水。至紇升骨城。遂居焉。號曰句麗。以高為氏。及漢武滅朝鮮。以高句麗為縣。屬玄菟郡。賜以衣幘朝服鼓吹。常從玄菟郡受之。後稍驕恣。不復詣郡。但於東界築小城。以受之。遂名此城為幘溝。溝漚者句麗名城也。王莽時。發句麗兵以伐匈奴。其人不欲行。皆亡出塞為寇盜。莽更名高句麗王為下句麗侯。於是貊人寇邊愈甚。光武建武八年。遣使朝貢。帝復其王號。其國在遼東之東千里。南與朝鮮。濊貊。東與沃沮。北與夫餘接。地方二千里。多大山深谷。無原澤。隨山谷而為居。少田。業力作。不足以自資。其俗節於飲食。而好修宮室。以夫餘別種。而言語法則多同。而跪拜申一脚。行步皆走。凡有五族。有消奴部。絕奴部。順奴部。灌奴部。桂婁部。本消奴部為王。稍微弱。後桂婁部代之。其置官有相加對盧沛者。古維大加。主簿。優台使者。阜衣。先人。其俗淫。皆潔淨。國中邑落男女每夜群聚為倡樂。好祠鬼神。社稷零星。以十月祭天大會。名曰寒盟。其國東

○寒、魏志作東

通典 邊防門東夷(高句麗)

二二五

有大穴。號禘神。亦以十月迎而祭之。其公會衣服。皆錦繡金銀以自飾。大加主簿皆著幘。如冠幘而無後。其小加著折風。形如弁。無牢獄。有罪諸加評議。便殺之。沒入妻子為奴婢。婚娶之禮。略無財幣。若受幣者。謂之賣婢。俗甚耻之。父母及夫喪。其服制同於華夏。兄弟則限以三月。兵器有甲弩弓箭戟稍矛鋌。樂有五弦琴。箏。篳篥。橫吹。簫。鼓之屬。賦稅則絹布及粟。隨其所有。量貧富差等輸之。其馬皆小。便登山。本朱蒙所乘馬。種。即果下也。畜有牛豕。豕多白色。其人性凶急。有氣力。習戰鬪。好寇鈔。沃沮。東濊皆屬焉。又有小水。貂。句麗作國。依水而居。漢遼東郡西安平縣北有小水。南流入海。句麗之別種。依小水作居。因名之為小水貂。出好弓。所為貂弓是也。至其王宮。生而開目能視。國人憎之。及長。勇壯。和帝時。頻掠遼東。玄菟等郡。宮死。玄菟太守姚光上言。欲因其喪發兵擊之。尙書陳忠曰。宮前桀黠。先其能討。死而擊之。非義也。宜遣弔問。因責讓前罪。安帝從之。明年。宮子遂成還漢生口。詣玄菟降。詔曰。自今以後。不與縣官戰鬪。而自以親附。送生口者。皆與贖。直繚人四十疋。小口半之。自爾率服。東垂少事。其後王伯固死。有二子。長曰拔奇。小曰伊夷摸。拔奇不肖。國人共立伊夷摸為王。自伯固時。數寇遼東。又受亡胡五百餘家。獻帝建安中。拔奇怨為兄

○高、魏志作謂

而不得立。與消奴加各將下戶三萬餘口。詣公孫康降。還住沸流水。降胡亦叛。伊夷摸。伊夷摸更作新國。都於丸都山下。拔奇遂往遼東。有子留句麗國。古雛加駮位居是也。伊夷摸死。子位宮立。以曾祖名宮。生能開目視。及長大。果矜虐。刑音今王生亦能視。句麗呼相似為位。似其祖故名之為位宮。宮有勇力。便鞍馬。魏齊王正始三年。位宮寇西安平。在遼東。五年。幽州刺史母丘儉。將萬人出玄菟討之。戰於沸流。位宮敗走。儉追至頹峴。懸車束馬。登丸都山。屠其所都。斬首虜萬餘級。六年。母丘儉復討之。位宮輕將諸加。奔沃沮。儉使王頎追之。統沃沮千餘里。到肅慎南界。刻石紀功。又刊丸都山。銘不耐城而還。至位宮五葉孫釗。晉康帝建元初。慕容皝晉率兵伐之。大敗。單馬奔走。皝乘勝追至丸都。焚其宮室。掠男女五萬餘口以歸。釗後為百濟所殺。其後慕容寶以句麗王安為平州牧。封遼東帶方二國王。安始置長史。司馬。叅軍官。後略有遼東郡。至孫高璉。東晉安帝義熙中。遣長史高翼。獻赭白馬。以璉為營州諸軍事。高麗王樂浪郡公。宋元嘉中。又獻馬八百疋。自東晉宋至于齊。梁。後魏。後周。其主皆受南北兩朝封爵。分遣貢使。初後魏時。置諸國使邸。齊使第一。高麗次之。南齊武帝永明中。

○涓，原作涓，據周書隋書等改

○隋，原作隨，據宋本改，下同

○東城，上下恐有誤，於遼東地

○編，原作編，據隋書改

高麗使至。服窮袴冠折風。中書郎王融戲之曰。服之不章。身之灾也。頭上定是何物。答曰。此即古弁之遺像也。自東晉以後。其王所居平壤城。即漢樂浪郡王儉城。自爲慕容靺來伐後。徙國內。亦曰長安城。隨山屈曲。南臨涓水。在遼東南千餘里。城內唯積倉儲器械。寇賊至。方入同守。王別爲宅於其側。其外有國內城及漢城。亦別都也。復有遼東。玄菟等數十城。皆置官司。以相統攝焉。其地後漢時方二千里。至魏南北漸狹。纔千餘里。至隋漸大。東西六千里。其國中書籍有五經。三史。三國志。晉陽秋。玉篇。字統。字林。自連七葉至元。隋文帝時。率靺鞨之衆萬餘騎寇遼西。隋遣漢王諒。摠兵討之。次遼水。大遭疾疫。又乏糧。元復惶懼。遣使請罪。遂班師。至煬帝徵元入朝。不至。大業七年。帝親征元。師度遼水。東城分道出師。頓兵於其城下。高麗嬰城固守。帝命諸軍攻之。又勅諸將。高麗若降者。即宜撫納。不得縱兵。城將陷。賊輒言請降。諸將奉旨不敢赴機。先令馳奏。比報至。賊守禦亦備。隨出拒戰。如此者再三。帝不悟。食盡師老。輸糧不繼。諸軍敗績。還者千人而已。是行也。唯於遼水西拔賊武列邏而已。還九年。帝復親征。乃勅諸軍。以便宜從事。諸將分道攻城。賊勢日蹙。會楊玄感作亂。反書至。帝班師。兵部侍郎斛斯政玄感之黨。亡入高麗。具知事實。悉銳兵來追。

天性相順異於三方之外故孔子悼道不設掙於海欲九表有心之

官崇九等

高麗記曰其因達官

有九等其一曰吐梓比一品舊名大對慮惣知國事三年一伐若稱職者不拘年限交替之日或不相稱服皆勤兵相政勝者為之其王但開官自守不能制禦次日太夫比二品一名莫何之羅文次鬱折比從二品華言王薄次大夫使者比正三品亦名譯詔者次皂衣頭大見比從三品一名中象皂衣頭大見東夷相傳所謂皂衣先人者也以前五官掌機密謀改事徵教兵選授官爵次大使者比正四品一名大奢次大見加比正五品一名顯文次拔位使者比從五品一名儒奢次上位使者比正六品一名契達奢使者一名乙奢次小見比正七品一名失文次諸見比從七品一名醫篤一名伊鉅一名何始選次過

殿軍多敗。十年。又發天下兵。會盜賊蜂起。所在阻絕。軍多失期。少至遼水。又屬飢饉。六軍遞相掠奪。復多疾疫。自黃龍以東。骸骨相屬。止泊之處。軍人皆積屍。以禦風雨。死者十八九。高麗亦困弊於守禦。遣使乞降。因送斛斯政。以贖罪。帝許之。頓於懷遠鎮。受其降款。旋師。仍徵元入朝。不至。帝更圖後舉。會天下大亂。不克復行。大唐武德四年。遣使朝貢。其國建官有九等。其一曰吐粹。昨沒舊名大對盧。揔知國事。次曰太大兄。次鬱折。之悅華言主簿。次太大夫人使者。次皂衣頭大兄。東夷相傳所謂皂衣先人者也。以前五官掌機密謀政事。徵發兵馬。選授官爵。次大使者。次大兄。次收位使者。次上位使者。次小兄。次諸兄。次過節。次不過節。次先人。又有狀古羅加。掌賓客。比鴻臚卿。以大夫使者爲之。又有國子博士。大學博士。舍人。通事。典書客。皆以小兄以上爲之。又其諸大城置僊屋內薩。反。比都督。諸城置處閭近支。比刺史。亦謂之道使。其武官曰大摸達。比衛將軍。以皂衣頭大兄以上爲之。次末客。比中郎將。以大兄以上爲之。其次領千人。以下各有差等。又其國有五部。皆貴人之族也。一曰內部。即後漢時桂婁部也。二曰北部。即絕奴部也。三曰東部。即順奴部也。四曰南部。即灌奴部也。五曰西

○又，原作入，據文獻通考改

部。即消奴部也。碣石山。在漢樂浪郡遂城縣。長城起於此山。今驗長城東截遼水而入高麗。遺趾猶存。按尙書云。夾右碣石入于河。右碣石即河赴海處。又平壤城東北有魯陽山。魯城在其上。西南二十里。有葦山。南臨浪水。其大遼水源出靺鞨國西南山。南流至安市。小遼水源出遼山。西南流與大遼水會。大遼水在國西。出塞外西南流。注小遼水。馬訾水則移一名鴨綠水。水源出東北靺鞨白山。水色似鴨頭。故俗名之。去遼東五百里。經國內城南。又西與一水合。即鹽難水也。二水合流。西南至安平城入海。高麗之中。此水最大。波瀾清徹。所經津濟。皆貯大船。其國恃此以爲天塹。水闊三百步。在平壤城西北四百五十里。遼水東南四百八十里。其不耐也。有帶方。安市。平郭。安平。居就。文城。皆漢二郡諸縣。則朝鮮瀋滌沃沮之地。

漢樂浪。玄菟郡之地。自後漢及魏爲公孫氏所據。至淵滅。西晉永嘉以後復陷入高麗。

又遣使請道教。詔沈叔安。將天尊像并道士至其國。講五千文。開釋玄宗。自是始崇重之。化行於國。有踰釋典。其後東部大人蓋蘇文弑其王高武。其主元在位十八年。高武母弟。異立其姪藏爲主。自爲莫離支。此官揔選兵。猶吏部兵部尙書也。於是號令遠近。遂專國命。蘇文鬚面甚偉。形體魁傑。衣服冠履。皆飾以金綵。身佩五刀。常挑臂高步。意氣豪逸。左右莫敢仰視。常令武官貴人俯伏於地。登背上下馬。

○就文，原作應文，據漢志改

○使，原作便，文獻通考改

七年二月。遣使內附。受正朔。請頒曆。許之。八年三月。高祖謂群臣曰。名實之間。理須相副。高麗稱臣於隋。終拒煬帝。此亦何臣之有。朕敬於萬物。不欲驕貴。但據有土宇。務共安人。何必令其稱臣。以自尊大。可即詔述朕此懷也。裴矩溫彥博進曰。遼東之地。周爲太師之國。漢家之玄菟郡耳。魏晉以前。近在提封之內。不可許以不臣。若以高麗抗禮。四夷必當輕漢。且中國之於夷狄。猶太陽之與列星。理無降尊。俯同藩服。乃止。貞觀十八年二月。太宗謂侍臣曰。高麗莫離支賊殺其主。盡誅大臣。夫出師弔伐。須有其名。因其殺君虐下。取之爲易。諫議大夫褚遂良進曰。兵若渡遼。事須尅捷。萬一不獲。無以威示遠方。必更發怒。再動兵衆。若至於此。安危難測。太宗然之。兵部尙書李勣曰。近者薛延陀犯邊。必欲追擊。但爲魏徵苦諫。遂止。向若討伐。無一人生還。可五十年間邊境無事。至十一月。以刑部尙書張亮爲平壤道行軍大總管。自萊州泛海趣平壤。又以特進李勣爲遼東道行軍大總管。趣遼東。兩軍合勢。三十日。征遼東之兵集於幽州。十九年。太宗親征渡遼。四月。李勣攻拔蓋牟城。獲口二萬。以其城置蓋州。勣又攻遼東城拔之。以其城爲遼州。六月。攻拔白巖城。以其城爲巖州。遂引軍次安

○蓋，下文作蓋，下同

市城。進兵以攻之。會高麗北部僭薩高延壽。南部高惠真率靺鞨之衆十五萬來援。於安市城東南八里。依山爲陣。上令所司張受降幕於朝堂之側。夜召文武。躬自指麾。是夜有流星墜賊營中。明日及戰。大破之。延壽惠真率三萬六千八百人來降。上以酋首三千五百人授以戎秩。遷之內地。餘三萬人悉放還平壤城。靺鞨三千人竝坑之。獲馬五萬疋。牛五萬頭。甲一萬領。因名所幸山爲駐蹕山。命許敬宗爲文勒石。以紀其迹。遂移軍於安市城南。久不尅。九月。遂班師。先遣遼蓋二州戶口渡遼。乃召兵馬。歷於城下而旋。城主昇城拜辭。太宗嘉其堅守。賜緡百疋。以勵事君者。二十一年。李勣復大破高麗於南蘇。班師。至頗利城。渡白狼。黃巖二水。皆由滕以下。勣恠二水狹淺。問契丹遼源所在。云此二水更行數里。合而南流。卽稱遼水。更無遼源可得也。旋師之後。更議再行。二十二年。司空房玄齡病亟。乃謂諸子曰。當今天下清謐。咸得其宜。唯東討不庭。方爲國害。主上含忍意決。臣下莫敢犯顏。吾若不言。可謂銜恨入地。遂封表切諫曰。臣聞兵惡不戢。武貴止戈。當今聖化所覃。無遠不服。自上古所不臣者。陛下皆能臣之。所不制者。皆能制之。詳觀古今。爲中國患害。無過突厥。遂能坐運神冊。

○勣、原作勣、據兩唐書改

不下殿堂。大小可汗。相次束手。分典禁衛。執戟行間。其後延陀鴟張。尋就夷滅。鐵勒慕義。請置州縣。沙漠之北。萬里無塵。至如高昌叛換於流沙。吐渾首竄於積石。偏師薄伐。俱從平蕩。高麗逋誅。莫能討擊。陛下責其逆亂。殺主虐人。親擣六軍。問罪遼碣。未經旬日。卽拔遼東。此聖主之所自知。微臣安敢備說。且陛下仁風被於率土。孝德彰於配天。兼衆美而有之。靡不畢俱。微臣深爲陛下惜之。重之愛之。寶之。易曰。知進而不知退。知存而不知亡。又曰。知進退存亡。而不失其正者。其唯聖人乎。由此言之。進有退之義。存是亡之機。得有喪之理。老臣所以爲陛下惜之。蓋謂此也。老子曰。知足不辱。知止不殆。臣謂陛下威名功德。亦足矣。拓地開疆。亦可止矣。彼高麗者。邊夷賤類。不足待以仁義。不可責以常禮。古來以魚鼈畜之。宜從闊略。若必欲絕其種類。深恐獸窮則搏。且陛下每決死囚。必命三覆。進素食。停音樂。蓋以人命所重。感動聖慈。况今兵士之徒。無一罪戾。無故驅之於遼城之間。委之鋒刃之下。使肝腦塗地。冤魄無歸。令其老父孤兒寡婦。慈母親轉。衛車而掩泣。抱枯骨而摧心。足以變動陰陽。感傷和氣。實天下之冤痛也。伏願陛下遵皇祖老子止足之誠。以保萬代巍巍之名。許高麗

自新。罷應募之衆。自然華夷慶賴。遠肅邇安。臣老病三公朝夕入地。謹罄殘寬餘息。結草之誠。儻蒙錄此哀鳴。卽臣死且不朽。蓋蘇文死。其子男生嗣立。爲其弟男建所逐。使其子獻誠詣闕。高宗摠章元年。遣司空李勣伐高麗。破其都平壤城。擒其王高藏并男建等。平其國。下城百七十。戶六十九萬七千。二年。移高麗戶二萬八千二百。配江淮以南山南。京西。咸亨元年四月。其餘類有酋長劔牟岑者率叛。立高藏外孫安舜爲王。令左衛大將軍高侃討平之。其後餘衆不能自保。散投新羅。靺鞨。舊國土盡入于靺鞨。高氏君長遂絕。武太后聖曆二年。鸞臺侍郎平章事狄仁傑上表。請拔安東。復其君長曰。臣聞先王壘理天下。皆是封域之內。制井田出兵賦。其有逆命者。因而誅焉。罪其君。吊其人。存其社稷。不奪其財。非欲土地之廣。非貪玉帛之貨。至漢孝武。籍四帝之資儲。於是定朝鮮。討西域。平南越。擊匈奴。府庫皆空。賊盜蜂起。百姓嫁妻賣子。流離於道路者萬計。於是權沽市利。算及舟車。籠天下貨財。而財用益屈。末年覺悟。息兵罷役。封丞相爲富人侯。然而漢室中分。豈不戒哉。人有四支者。所以扞頭目也。君有四方者。所以衛中國也。然以蝮蛇在手。旣以斷節。全身狼戾。一隅亦

宜棄之存國。漢元帝罷珠崖之郡。宣帝棄車師之田。非惡多而好少也。知難卽止。是爲愛人。今以海中分爲兩運。風波漂蕩。沒溺至多。准兵計糧。由苦不足。且中國之與蕃夷。天文自隔。遼東所守。已是石田。靺鞨遐方。更爲雞肋。今欲肥四夷而瘠中國。恐非通典。且得其地。不足以耕織。得其人。不足以賦稅。臣請罷薛訥廢安東鎮。三韓君長高氏爲其主。誠願陛下存亡繼絕之義。復其故地。此之美名。高於堯舜遠矣。

東沃沮

東沃沮。後漢通焉。初衛滿王朝鮮。時以其地爲玄菟郡。後爲夷貊所侵。徙郡於高句麗西北。至光武。以其渠率爲縣侯。不耐華麗。沃沮諸縣。皆爲侯國。後漢末猶置功曹。主簿。諸曹。皆濊民作之。其諸邑落渠帥皆自稱三老。則故縣國之制也。其國在高句麗蓋馬大山之東。蓋音合。東濱大海。北與挹婁。夫餘。南與濊貊接。其地東西狹。南北長。可折方千里。戶五千。土肥美。背山向海。宜五穀。善田種。無大君主。有邑落長帥。人性質直強勇。便持矛步戰。言語飲食居處衣服有似句麗。其塋作大木椁。長十餘丈。開一頭爲戶。新死者先假埋之。令皮肉盡。乃取骨

○餘。原作與。據魏志改。

置椁中。家人皆共一椁。刻木如主。隨死者爲數焉。又有瓦鑿音曆也。置米其中。編懸之於椁戶邊。國小迫於大國之間。遂臣屬句麗。復置其中大人爲使者。使相主領。又使大加統之。大加。句麗官號。所謂有馬。牛羊狗加其所部有大小。責其租稅。貂布魚鹽海中食物千里擔負致之。又發其美女以爲婢妾焉。魏齊王正始五年。幽州刺史母丘儉討句麗。句麗王宮奔沃沮。遂進師擊沃沮。邑落皆破之。宮又奔北沃沮。一名置溝婁。去南沃沮八百餘里。其俗南北皆同。與挹婁接。挹婁喜乘船寇鈔。北沃沮畏之。夏月常在山巖深穴中。爲守備。冬月冰凍。船道不通。乃下居村落。母丘儉遣玄菟太守王頊追討宮。盡其東界。耆老言。國人嘗乘船捕魚。遭風吹數十日。東到一島。上有人。言語不相曉。其俗常以七月取童女沉海。又言。有一國。亦在海中。純女無男人。或傳其國有神井。闕之輒生子。又說。得一布衣。從海中浮出。其身如中國人衣。其兩袖長三丈。又得一破船。隨波出在海岸邊。有一人。項中復有面。生得之。與語不相通。不食而死。其城皆在沃沮東大海中。

挹婁

挹婁。魏時通焉云。卽古肅慎之國也。周武王及成王時。皆貢楛矢石磐。楛。音爾。戶。音爾。

挹婁

後千餘年。雖秦漢之盛。莫能致也。常道鄉公景元末。來貢獻楛矢石磐弓甲貂皮之屬。其國在不咸山北。在夫餘東北千餘里。濱大海。南與北沃沮接。不知其北所極。廣袤數千里。裘。莫。候。反。土地多山險。車馬不通。人形似夫餘。而言語各異。有五穀牛馬麻布。出赤玉好貂。貂。所謂挹婁。無君長。其邑落各有大人。處於山林之間。土氣極寒。常爲穴居。以深爲貴。大家接至九梯。好養豕。食其肉。衣其皮。冬以豕膏塗身。厚數分。以禦風寒。夏則裸袒。以尺布掩其前後。其人臭穢不潔。作廁於中國之而居。無文墨。以言語爲約。坐則箕踞。以足挾肉啖之。得凍肉。坐其上。令溫暖。土無鹽。燒木作灰。灌之取汁而食。俗皆編髮。將嫁娶。男以毛羽插女頭。女和則持歸。然後致禮。媵之。婦貞而女淫。貴壯而賤老。死者其日卽葬之於野。交木作小椁。殺豬積其上。以爲死者之糧。性凶悍。以無憂哀相尙。父母死。男女不哭泣。有哭者謂之不壯。相盜竊。無多少皆殺之。雖野處而不相犯。有石磐皮骨之甲。國東北有山。出石。其利入鐵。將取之。必先祈神。其人衆雖少而多勇力。處山嶮。又善射。弓長四尺。力如弩。矢用楛。長尺八寸。青石爲鏃。鏃皆施毒。中人卽死。隣國畏其弓矢。卒不能服也。便乘船好寇盜。隣國患之。東夷飲食類皆用

俎豆。唯挹婁獨無法俗。最無綱紀。至晉元帝初。又詣江左。貢其石罽。至成帝時。通貢於石季龍。四年。方達季龍。問之。答曰。每候牛馬向西南臥者。三年矣。是知有大國所在。故來焉。

勿吉

勿吉。後魏通焉。在高句麗北。亦古肅慎國地。邑落各自有長。不相摠一。凡有七種。其一號栗末部。與高麗相接。二曰汨咄都勿部。在栗末之北。三曰安車骨部。在汨咄東北。四曰拂遑部。遑音皇在汨咄東。五曰號室部。在拂遑東。六曰黑水部。在安車骨西北。七曰白山部。在栗末東南。勝兵各數千。而黑水部尤為勁健。自拂遑以東。矢皆石鏃。長二寸。所居多依山水。渠帥曰大莫弗瞞。莫干咄東夷中為強國。諸國皆患之。其國有大水。闊三里餘。名速末水。其地東下濕。築堤鑿穴。居室形似塚。開口於上。以梯出入。無牛。有車馬。佃則偶耕。車則步推。有粟及麥。穠菜則有葵。水氣鹹。凝鹽生樹上。亦有鹽池。多猪無羊。爵米醞酒。飲能致醉。婦人則布裙。男子衣猪犬皮裘。頭插虎豹尾。善射。其父母春夏死。立埋之。塚上作屋。不令雨濕。若秋冬死。以其屍捕貂。貂食其肉。則多得之。俗以溺洗手面。於諸

○栗、唐書作栗、下

○帥、原作帥、據隋書

夷最為不潔。孝文延興中。其王遣乙力支朝獻。乙力支稱。初發其國。乘船溯難河。西上溯音素。至大沱河。沱音灑。沉船於水。南出陸行。渡洛孤水。從契丹西界達和龍。乙力支還。從其來道。取得本沉船。達其國。○隋文帝初。靺鞨國有使來獻。謂即勿吉也。勿吉與靺鞨音相近。西北與契丹接。每相劫掠。與中華懸隔。唯栗末白山為近。煬帝初。其渠帥度地稽率其部來降。居之柳城。遼東之役。度地稽率其徒以從。每有戰功。從帝幸江都。尋放歸柳城。今郡地。大唐聖化遠被。靺鞨國頻使貢獻。詳考傳記。挹婁勿吉靺鞨云肅慎之後裔。

〔通典〕卷第二百

邊防十六

北狄七

契丹

契丹
○夷、原作侯、據隋書改

契丹之先。與庫莫奚異種而同類。竝為慕容氏所破。俱竄於松漠之間。其俗頗與靺鞨同。父母死而悲哭者為不壯。但以其屍置於山樹之上。經三年之後。乃收其骨而焚之。因酌酒而祝曰。冬月時向陽食。夏月時向陰食。若我射獵時。使我多得猪鹿。其無禮頑鬪。於諸夷最甚。後魏初。大破之。遂逃迸與庫莫奚分背。

通典 邊防門北狄(契丹)

○阿、魏書北史作何
○比、魏書北史作吐

經數十年稍滋蔓。有部落於和龍之北數百里。和龍。今柳城郡。多為寇盜。魏太武帝真君以來。歲貢名馬。於是東北羣狄悉萬丹部。阿大何部。伏弗郁部。羽陵部。日連部。匹黎部。比六于部。各以其名馬文皮入獻。皆得交市於和龍密雲之間。密雲。今郡。其後為突厥所逼。又以萬家寄於高麗。隋開皇末。有別部四千餘家。背突厥來降。文帝方與突厥和。重失遠人之情。悉令給糧還本。勅突厥撫納之。固辭不去。部落漸衆。遂北逐水草。當遼西正北二百里。依回紇臨水而居。東西亘五百里。南北三百里。亦鮮卑故地。分為十部。多者三千。少者千餘。隨水草畜牧。大唐貞觀二十二年十一月。契丹師窟哥率其部內屬。以契丹部為松漠都督府。拜窟哥為持節十州諸軍事松漠都督。於營州兼置東夷都護。以統松漠饒樂之地。罷護東夷校尉官。武太后萬歲通天元年五月。窟哥會孫松漠都督鞞摩松漠都督府。屬今柳城。李盡忠。與其妻兄歸誠州刺史孫萬榮。殺都督趙文翽。舉兵反。陷營州。今柳城。自號可汗。命左鷹揚將軍曹仁師。右金吾將軍張元遇。右武威大將軍李多祚。司農少卿麻仁節等二十八將討之。遇賊於西碭石。黃巖谷。官軍敗績。元遇。仁節沒于賊。李盡忠死。孫萬榮代領其衆。攻陷冀州。今信都郡。刺史陸寶積死之。又陷

瀛州屬縣。今河間郡。又遣夏官尚書同鳳閣鸞臺三品王孝傑。與蘇宏暉率兵十八萬。與孫萬榮戰于東碭石。官軍又大敗。孝傑沒於陳。宏暉棄甲而遁。又命河內王武懿宗為大總管。右肅政御史大夫婁師德為副。沙吒忠義為前軍。率兵二十萬以討之。萬榮為其家奴所殺。其黨遂潰。開元五年十一月。封宗室女為永樂公主。出降契丹。松漠王李失活。十年閏五月。勅餘姚公主女慕容氏封為燕郡公主。出降松漠郡王李漠鬱干。

朝鮮史 第一編第三卷別錄終

昭和八年三月二十八日印刷
昭和八年三月三十一日發行

(朝鮮史第一編第三卷附)

朝鮮總督府

京城府蓬萊町三ノ六二
印刷所 朝鮮印刷株式會社

3092



終